

VR 20

SUWÁL AUR JUWÁB
DAR BĀB
SAHÍFÁT I KUTUB I RABBĀNÍ.

Y.S.

MUTARAJJIM

BABU YUNAS SINGH,

BA IHTIMÁM

PADRI WALSH SAHIB.

ALLAHABAD:

PRINTED AT THE ALLAHABAD MISSION PRESS.

1865.

Pahlí chhapái 1500.]

[Qímat fí Jild 8 Aná.

SUWÁL O JUWÁB

DAR BÁB

SAHÍFÁT I KUTUB I RABBANÍ.

Suwál 1. Puráne Ahd-náme men kitní kitáben hain?

Juwáb. Untálís.

S. 2. In kitábon ko kab aur kis ne jama karke al-at-tartíb rakhá?

J. Azrá ne, Masíh se qaríb chár sau pachás baras peshtar. Músá kí páñch kitáben Ahd-náme ke Sandúq men rakhí thín, (Istisná 31 : 24—26 ;) aur Yashúa ne apní kitáb ko “Khudá kí shariát kí kitáb men likh rakhá.” Yashúa 24 : 26.

S. 3. Baibal ke kai mashhúr tarjume húe hain?

J. Chár ; *pahlá*, Yúnání jise Septúejint kahte hain, *dúsrá*, Látíní jise Valget kahte

haiṇ; *tisrá*, Douay, aur *chauthá*, Angrezí tarjuma jo JAMES bádsháh ke Baibal ke nám se mashhúr hai.

S. 4. Septúejint̃ lafz ke kyá maṇe haiṇ?

J. Is lafz ke maṇe sattar haiṇ, aur is tarjume ká yih nám is jihat se pará ki sattar ádmíon ne milke yih tarjuma kiyá thá, go filhaqíqat bahattar ádmí is meṇ mashgúl the, chunánci chha ádmí har har firqe se is kám ke liye maḥsús kie gae the.

S. 5. Yih tarjuma kab húá aur kis jagah húá?

J. Mulk i Misr ke Sikandaríya shahr meṇ Masíh se qaríb do sau baras peshtar. Yih tarjuma Ibrání se kiyá gayá, aur is meṇ sirf Puráne Ahd-náme kí kitábeṇ mutarajjam haiṇ.

S. 6. Masíh ke zamáne meṇ Yahúdíon ká is tarjume kí nisbat kyá gumán thá?

J. Wuh us kí barí tazím karte the. Hamáre Munjí aur us ke Hawaríon ne apne mubáhison meṇ isí tarjume se sanadeṇ pesh kíṇ haiṇ.

S. 7. Valget tarjuma kyá hai?

J. Yih Látíní tarjuma hai, jo Septúejint se kiyá gayá, aur is ká nám Valget is báis se pará ki Rúmí kalísyá men yihí tarjuma ráij hai, aur wuh is hí tarjume ko mutabar samajhtí hai.

8. S. Yih tarjuma kab húá aur kis ne yih tarjuma kiyá?

J. Ek buzurg Qasís, Jerom náme ne san Íswí chár sau ke qaríb qaríb yih tarjuma kiyá. Yih tarjuma bahut jaldí men kiyá gayá aur bahut sí tabdílon ke báis se bigar gayá.

S. 9. Douay Baibal kí kyá kaifíyat hai?

J. Yih Valget ká Angrezí tarjuma hai maá sharh o háshíya, aur Rúmí kalísyá men yihí tarjuma mustámil hai.

S. 10. Is ká nám Douay Baibal kyúnkar pará?

J. Is ká yih nám is tarah par pará ki Fráns mulk kí ek bastí men jis ká nám Douay thá yih tarjuma kiyá gayá.

S. 11. Yih tarjuma kab chhapá?

J. San Íswí ek hazár chha sau das men.

S. 12. Is tarjume se aur Angrezí Baibal se farq kyúnkar húá?

J. Is báis se ki yih tarjuma asl Ibrání se nahín húa lekin Valget se, aur Valget Septúejint se kiyá gayá thá, aur sahíh tarjuma na thá. Yih kyúnkar mumkin thá ki yih tarjuma Ibrání se asl tarjume ke barábar sahíh ho.

S. 13. Angrezí ká tarjuma JAMES bádsháh ká Baibal kyún kahlátá hai?

J. Is liye ki yih tarjuma Inghland ke bádsháh JAMES auwal ke ahd i saltanat men kiyá gayá thá.

S. 14. Yih tarjuma kab shurú húa aur kab khatime ko pahunchá?

J. Yih tarjuma san ek hazár chha sau sát Íswí men shurú húa, aur tén baras ke arse men khatm húa, aur san ek hazár chha sau gyárah Íswí men chhapá.

S. 15. Yih tarjuma kis ne kiyá?

J. Inghland kí saltanat men se chauwan fázil is kám ke liye muqarrar kiye gae the. In men se sát mustafí hue, chunánchi saintálís ádmí is kám men sharík the.

S. 16. Yih tarjuma itne ádmíon men kis tarah par taqsím kiyá gayá?

J. Wuh chha jamáat men taqsím kie gae, aur ek ek jamáat ko Baibal ká ek ek hissa Ibrání aur Yúnání zubán se tarjuma karne ko diyá gayá.

S. 17. Aur tarjumon kí nisbat Angrezí Baibal ká tarjuma kaisá hai ?

J. Jo log ki niháyat munsif mizáj hain, un ká yih qaul hai, ki yih aur sab tarjumon se bihtar hai.

S. 18. Kyá Bábon aur Áyaton kí taqsím Baibal kí aslí taqsím hai ?

J. Nahín.

S. 19. Baibal kí qadímtarín taqsím kyá hai ?

J. Wuh jo Azrá ne kiyá. Puráne Ahd-náme kí kitáben tén hisson men munqasim thín, yane, "Tauret," "Ambiyá ke Sahífe," aur "Zabúr." Hamáre Munjí ne Lúqá 24 : 44 men is taqsím ká yún ishára kiyá hai, "Zarúr hai, ki sab kuchh jo Músá kí tauret, aur nabí-on ke nawishton aur zabúron men mere haqq men likhá hai, púra ho."

S. 20. In hisson men kaun kaun kitáben mushtamal thín ?

J. "Tauret" men pahlí páñch kitáben thín ;

“Zabūr” men mazámír, Amsál, Wáiz, aur Gazl-ul-Gazalát kí kitáben, aur Nabíon men báqí aur Sahífe mushtamal the.

S. 21. *Kab aur kis ne* Baibal ko bábon men taqsím kiyá?

J. Log is kám ko Kárdínal Heugo se nisbat dete hain, aur kahte hain ki us ne san ek hazár do sau chálís Íswí men Baibal ko bábon men taqsím kiyá, hálánki tísrí sadí kí nisf ke qaríb qaríb Injíl ke pahle chár sahífe bábon men munqasim ho chuke the.

S. 22. Bábon ko áyaton men kis ne taqsím kiyá, aur kab?

J. Robert Stephens ne san ek hazár páñch sau ikkáwan Íswí men. Kahte hain ki Páris se Lyons shahr ko játe hue ghore kí píñh par sawár us ne is diqqat talab kám ko anjám diyá.

S. 23. Baibal, yá Kutub i Rabbání kí pahlí kitáb ká kyá nám hai?

J. Paidáish, is jihat se ki us ke shurú men khilqat kí paidáish ká ahwál darj hai.

S. 24. Is kitáb men kitne arse ká hál marqúm hai?

J. Do hazár tîn sau unhattar baras ká.

S. 25. Is kitáb men kin kin báton ká taz-kira hai?

J. K̥hilqat kí paidáish, aur insán kí bargashtagí o túfán aur us ahd ká jo Núh ke sáth bándhá gayá thá. Insán kí zúbánon men iḡhtiláf paṛná, aur un ká paráganda honá, aur Abirahám aur Izháq aur Yāqúb buzurgon ká ahwál mundarj hai.

S. 26. Kutub i Rabbání kí dúsri kitáb ká kyá nám hai?

J. K̥hurúj.

S. 27. Lafz i K̥hurúj ke kyá maṇe haiṇ?

J. Is lafz ke maṇe nikalne ke haiṇ.

S. 28. Is kitáb ká nám K̥hurúj kyúnkar rakhá gayá?

J. Is liye ki us men Isráelion ke Misr kí gulámí se nikalne ká ahwál mundarj hai.

S. 29. Is kitáb men kitne aṛse ká hál miltá hai?

J. Ek sau paintális baras ke zamáne ká.

S. 30. Dunyá kí paidáish ke kis sál tak ká hál is men darj hai?

J. Do hazár páñch sau chaudah baras bād tak ká.

S. 31 Is kitáb men kis kis bát ká bayán hai?

J. Baní Isráel ke Misr men gulám rahne ká. Músá kí paidáish, us kí hifázat aur us kí tarbíyat, us ká apne mulk se jaláwatan rahná, aur us kí risálat; Isráelion ká Firaún ke háth se muajize ke sáth rihái páná; un ke bayábán ke safar ká ahwál; Shariát ká Koh i Síná par diyá jáná; Rasmí shariát ká tazkira, aur khaima kí tamír ká hál.

S. 32. Misr ke bádsháh kis nám se mulaqqaq the?

J. Wuh Firaún kahláte the, jis tarah ki Rúm ke sháh-an-sháh Qaisar kahláte the. Yúsífas muarrikh ke bayán ke bamújib lafz Firaún ke mane *Bádsháh* hai. Kutub i Rabbání men yih laqab áth shakhson kí nisbat mustamil húa hai.

S. 33. Tísrí kitáb ká kyá nám hai?

J. Ahbár.

S. 34. Is ká nám Ahbár kyúnkar rakhá gayá?

J. Is bájs se ki is ke aksar ahkám aur báten

İbráníon ke Ahbár, yāne muallimon se taalluq rakhtí haiñ.

S. 35. Is kitáb men kin kin báton ká tazkira húá hai ?

J. Qurbání ke qawáid ; Lewíána kahánat kí taqarrurí ; halál o harám jánwaron kí tafríq ; safái ke qánún, aur aksar intizám banisbat rasúmát aur ídon **ke**.

S. 36. Is kitáb men kitne zamáne ká hál mundarj hai ?

J. Ek mahíne, yāne, Isráíl ke khurúj ke bad dúsre mahíne ká, April kí 21wín tárikh se lekar May kí 21wín tak, Masíh se peshtar 2514 baras ká.

S. 37. Kyá Lewí ká kull firqa kahánat ká kám kartá thá ?

J. Nahín ; sirf Hárún kí aulád kahánat ká kám kartí thí, agarchi kull firqa mazhabí khidmat ke liye maḵsús thá. Káhin qurbáníán charháte the aur shám o súbh kí íbádat karáte the. Lewí Káhinon kí madad karte the; aur wuh safar men khaima ke mutafarriq hisson ko aur pák zurúfon ko le chalte the.

S. 38. Chauthí kitáb ká kyá nám hai ?

J. Gintí.

S. 39. Yih kitáb Gintí kí kyúñ kablátí hai ?

J. Is liye ki us men baní Isráel ke do shumáron ká tazkira húá hai; ek jo Koh i Síná par húá, aur dúsrá Moab ke maidán men, pahlí mardum-shumárí se untálís baras बाद.

S. 40. Is kitáb men kis bát ká bayán húá hai ?

J. Firqon ke shumár aur un kí tartíb ká; baní Isráel ká kurkuraná aur un kí sarkashí; aur bayábán men chálís baras ke safar ká.

S. 41. Kutub i Rabbání kí páncbwíñ kitáb ká kyá nám hai ?

J. Istisná.

S. 42. Lafz i Istisná ke kyá mane haiñ ?

J. Dúsrí shari'at; is kitáb ká yih nám is liye pará ki wuh das hukm jo K̤hurúj kí kitáb men darj haiñ is kitáb men do bára likhe gaye haiñ.

S. 43. Is kitáb men kitne zamáne ká hál darj hai ?

J. Baní Isráíl kí safar ke chálísweñ baras ke dúsre mahíne ká.

S. 44. Is kitáb men koí kháss bát hai ?

J. Hān : us men Músá kí aḵhír báten mar-qúm hain, aur us kí risálat kí tamámí ká ahwál darj hai.

S. 45. Is kitáb kí nisbat Músá ne kyá hukm diyá thá ?

J. Yih kí har sátwen baras wuh sab logon ke sámhne parhí jāe. Ist. 31 : 9—13.

S. 46. Kyá Músá ne is kitáb ko likhá ?

J. Hān ; áḵhirí báb ko chhorke us ne kull kitáb likhí.

S. 47. Is aḵhír báb ke likhe jāne kí nisbat logon ká kyá gumán hai ?

J. Aglab hai ki Músá ne use nahín likhá, is sabab se ki us men us kí maut ká bayán húa hai. Par yih gumán hai ki Yashúa kí kitáb ke ráqim ne us ko likhá.

S. 48. Lafz Músá ke kyá maṇe hain ?

J. Pání se nikálá húa, aur is men us ke bachpan men Níl daryá se nikále jāne ká ishára hai.

S. 49. Músá ko kyún fauq-ul-ádí insán samajhte hain ?

J. Is liye ki us ne Kḥudá kī qudrat aur us ke jalál ke zuhúr ká musháhida kiyá; aur us ko yih izzat baḡhshí gaí thí ki wuh shariát ke dene meṇ Kḥudá aur baní Isráel ke darmiyán takallum ká wasíla ho; aláwa is ke wuh pahlá aur sab se baḡá nabí thá; wuh pahlá muarriḡh bhí thá, aur us hí ne ḡhilqat kī paidáish kī tawáriḡh likhí hai; siwá in báton ke wuh sáre ádmíon se baḡhkar mutahammil thá.

S. 50. Istisná kī kitáb ke siwá Músá ne aur kaun kaun kitáben likhí haiṇ?

J. Paidáish, Kḡhurúj, Ahbár o Gintí kī kitáben aur Nauwewín zabúr.

S. 51. Yih páñch kitáben kyá kahlátí haiṇ?

J. Tauret, aur Angrezí meṇ use Pentáṡeuk kahte haiṇ.

S. 52. Kutub i Rabbání kī chhaṡhí kitáb ká kyá nám hai?

J. Yashúa kī Kitáb. Lafz i Yashúa, Isá nám se mushábih hai, aur is lafz ke maṇe yih hai, “jis kī naját Kḡhudáwand hai.”

S. 53. Yashúa kaun thá?

J. Músá ká qáim-muqám; aur wuhí baní Isráel ko wāde kí zamín men le gayá.

S. 54. Is kitáb men kitne zamáne ká hál mundarj hai?

J. Chabbís baras ká hál.

S. 55. Is kitáb men kin kin báton ká bayán hai?

J. Is kitáb men Kḥudá ke un wādon kí takmíl mazkúr hai, jo us ne apne logon ke sáth kiye, aur wuh ādālaten jo us ne Kanaán kí but-parast qaumon par nāzil kīn.

S. 56. Yashúa kí zindagí men kaun kaun mashhúr mājare wuqú men áe hai?

J. Wuh aur Kálib do hí shaḥs the jin ko yih nīmat milí, ki wāde kí zamín men dáḥhil hue, hálánki Mīsr se lákhon chale the; wuh laṛáí men kámyábí hásil karne ke báis se bhí mashhúr hue; aur unhon ne yih lásání muḥjiza kiyá ki áftáb o máhtáb ko dīn bhar khará kar rakhá.

S. 57. Is kitáb ko kis ne likhá?

J. Gumán hai ki picḥhlí páñch áyaton ke siwá báqí kull Yashúa ne likhí.

S. 58. Kutub i Rabbání kí sátwín Kitáb ká kyá nám hai ?

J. Qázíon kí Kitáb.

S. 59. Is kitáb ká yih nám kyúnkar pará ?

J. Is báis se ki us men baní Isráel kí tawá-ríkh Qázíon ke mátaht mundarj hai.

S. 60. Is kitáb men kis zamáne tak ká hál darj hai ?

J. Chársau pachás baras tak ká, yane Yashúa kí maut se lekar Sáúl bádsháh kí saltanat ke shurú tak. Aamál 13 : 20.

S. 61. Kitne Qází húe hai ?

J. Pandrah.

S. 62. Is kitáb ko kis ne likhá ?

J. Aglab hai ki Samúel ne ise likhá.

S. 63. Kutub i Rabbání kí áthwín kitáb ká kyá nám hai ?

J. Rúth kí Kitáb.

S. 64. Yih kitáb Rúth kí kyún kahlátí hai ?

J. Is liye ki us men Rúth ká ahwál mundarj hai.

S. 65. Rúth kaun thí ?

J. Wuh Moabí aurat thí, jo apní sás Náomí

ke hamráh Yahúdiya men áí aur Boaz se byá-hí gai.

S. 66. Rúth kí kháss tazím ká kyá báis hai?

J. Wuh Dáúd kí pardádí thí, aur is tarah par wuh Masíh ke khándán men dar áí.

S. 67. Is kitáb ke maqásid kyá hain?

J. Is kitáb kí yih garz hai, ki Masíh ke nasabnáme men shámil hone ke báis se Rúth kí tauqír ho, aur ki is Moabí aurat ke Masíh ke khándán men sharík hone ke báis se yih bát wázih ho, ki gair-qaumen Masíh kí bád-sháhat men shámil kí jáengí; phir, ki yih bát záhir ho, ki Kḥudá par bharosá rakhná ain salámatí hai, aur ki wafádárí i pisráná musbit ho. Is kitáb kí khúbí mashhúr hai.

S. 68. Is kitáb ko kis ne likhá?

J. Aglab hai ki Samúel ne is kitáb ko likhá?

S. 69. Yih kis zamáne men tarqím húi?

J. Gumán hai ki yih Dáúd ke zamáne men raqm húi táki us kí tawáriḥ ke ek umda májre kí yádgár rahe. Is kí pichhlí áyat se

sábit hai ki yih kitáb Dáúd ke zamáne se peshtar na likhí gaí hogí.

S. 70. Is kitáb ke marúf námon ke kyá matlab hai?

J. Rúth ke mané hai—Zanána dost.

Boaz ke mané hai—Chálákí.

Elimalik—K̄hudá merá bádsháh.

Naomí—Merí k̄hushnumái.

Mahlon—Marz.

Chilion—Kurhná.

Orfá—Hiran ká bachcha.

Obed—K̄hádīm (yāne K̄hudá ká K̄hádīm.)

S. 71. Samúel kaun thá?

J. Wuh pichhlá Qází thá; wuh qází aur bádsháhon ke silsile mein halqa i'tawassul thá, is sabab se ki wuh K̄hudá kī taraf se muqarrar kiyá gayá thá, ki Sául ko jo pahlá bádsháh thá, aur Dáúd ko jo dúsrá thá, bádsháhat ke mansab ke liye maḥsús kare. Wuh nabí bhí thá.

S. 72. Samúel nám ke kyá mané hai?

J. K̄hudá ká shunúda (yāne suná húa).

S. 73. Us kí auwal aur k̄háss nīmat kyá thī?

J. Jab ki wuh mahz bachchá thá, us waqt K̄hudá ne sardár káhin aur us ke beṭon̄ kí nisbat apní marzī ko us par zāhir kiyá.

S. 74. Wuh nabíon̄ se kyá munásibat rakh-tá thá?

J. Wuh un nabíon̄ ke silsile men̄ auwal thá, jin ká daur Malákhí nabí tak barábar qáim rahá.

S. 75. Pák Nawishton̄ ke ak̄hír hisson̄ men̄ Samúel kí nisbat kyá mazkúr huá hai?

J. Yaramiyáh Nabí ká 15wán̄ báb pahlí áyat aur 99wín̄ Zabúr kí 6ṭhí áyat dekho. Wuh shafáat ke iqtidár kí nisbat Músá ke sáth mushábih kiyá gayá hai.

S. 76. Jerome ne Samúel kí lāsh kí nisbat kyá mazkúr kiyá hai?

J. Wuh yih kahtá hai, ki Arkedias Sháh-an-sháh i Rúm chauthí sadí men̄ Samúel kí lāsh ko barí shán ke sáth Thrace men̄ láyá.

S. 77. Samúel kis zamáne men̄ maujúd thá?

J. Masíh se qaríb ek hazár ek sau ikhattar baras peshtar.

S. 78. Kutub i Rabbání kí nawín kitáb ká kyá nám hai?

J. Pahlí Samúel.

S. 79. Is kitáb ko kis ne likhá?

J. Gumán hai ki Samúel ne pahle 24 báb likhe, aur báqíon ko Náthan aur Gád ne likhá.

S. 80. Is kitáb men kitne zamáne ká hál mundarj hai?

J. Qaríb ek sau baras ká.

S. 81. Is kitáb men kaun kaun báten maz-kúr hai?

J. Is men Alí aur Samúel do pichhle Qází aur Sául aur Dáúd do pahle bádsháhon ká ahwál mundarj hai.

S. 82. Kutub i Rabbání kí daswín kitáb ká kyá nám hai?

J. Dúsrí Sámúel kí kitáb.

S. 83. Is kitáb ko kis ne likhá?

J. Náthan aur Gád nabíon ne.

S. 84. Kyá Samúel kí in donon kitábon ke qadím zamáne men yihí nám the?

J. Nahín ; Yahúdí in donon kitábon ko ek samajhte the. In kitábon kí yih taqsím Septúejint aur Vulget tarjumon se akhaz kí gai hai, aur in donon tarjumon men yih Salátín kí pahlí aur dúsrí kitáb ke nám se námzad thín. Origen ne tísrí sadí men Samúel kí kitáb ke nám se is ká mazkúr kiyá hai.

S. 85. Samúel kí dúsrí kitáb men kitne zamáne ká hál mundarj hai ?

J. Qaríb chálís baras ká ; yane khilqat kí paidáish ke do hazár nau sau unchás se leke do hazár nau sau nawásí tak.

S. 86. Is kitáb men kin kin báton ká bayán hai ?

J. Is kitáb men Dáúd kí saltanat kí tawá-ríkh, aur us kí fatúhát, aur Úríáh ke muqaddame men us ke gunáh aur us kí sazá aur muáfí ká hál mazkúr hai ; aláwa is ke Sulaimán kí paidáish aur Abisalúm kí bagáwat, aur us kí mardum-shumárí ká gunáh, aur us kí sazá o muáfí aur shukrguzárí ká ahwál bhí is kitáb men mundarj hai.

S. 87. Gád kaun thá ?

J. Ek nabí, aur Dáúd ká qadím o rafīq dost (dekho 1 Sam. 22 : 5;) aur aglab hai ki Samú-el ká shágird thá. Wuh “Dáúd ká nazír” bhí kahlátá hai, dekho 1 Sam : 9 : 9; 2 Sam. 24 : 11; 1 Tawá. 21 : 9; aur 2 Tawá. 29 : 25.

S. 88. Náthan kaun thá?

J. Wuh ek mashhúr nabí aur Dáúd ká dost thá. Náthan hí ne haikal banáne kí pahlí saláh Dáúd ko dí, par is báis se ki yih kám us ne apní hí tabíat se kiyá thá, us ne dúsre roz us saláh ko bátíl kar diyá, (dekho 2 Sam. 7 : 5; aur 1 Tawáríkh 17 : 4,) hukm i Iláhí se us ne Dáúd ko Úríáh kí nisbat gunáh ke muqaddame men malámat kí, aur un áfaton kí khabar dí jo us par ánewálí thín; us ne Bintsaba ke dúsre beté ká nám Jedí-díáh rakhá, jis ká nám bad-azán Sulaimán húa, aksaron ká yih gumán hai ki Sulaimán ne Náthan se talím páí. Us ke donon beté Sulaimán ke darbár men álí mansab rakhte the, dekho 1 Salátín 4 : 5.

S. 89. Dáúd ko haikal kí tamír kí ijázat kyún nahín milí?

J. Is liye ki wuh sáhib i jang thá, (dekho
1 Tawáríkh 22 : 8.)

S. 90. Kutub i Rabbání kí gyárahwín kitáb
ká kyá nám hai ?

J. Salátín kí pahlí kitáb.

S. 91. Is kitáb ká ráqim kaun thá ?

J. Gumán hai, ki Azrá ne use likhá ; par
aksar log use Yaramiyáh se nisbat dete hai.

S. 92. Is kitáb men kitne zamáne ká hál
marqúm hai ?

J. Ek sau chhabbís baras ke arse ká ahwál,
dunyá kí paidáish ke do hazár nau sau nawási
baras se lekar tén hazár ek sau pandrah tak.

S. 93. Is kitáb men kaun kaun báten
mazkúr hai ?

J. Sulaimán kí bádsháhat ; haikal kí tamír
aur us ke maḥsús hone ; das firqon kí sarka-
shí, aur Eliyáh nabí kí ḵhidmatguzárí ká
ahwál is kitáb men mazkúr hai.

S. 94. Sulaimán ká qáim-muqám kaun thá ?

J. Rihábiám.

S. 95. Sulaimán kí ahd i saltanat men kaun
sá májara wuqú men áyá ?

J. Us kí bidat ke báis se das firqe bági ho gae, aur unhon ne Yarúbiám ko apná bádsháh makhsús kiya.

S. 96. Us zamáne se baní Isráel ke donon hisson ke kyá kyá nám pare ?

J. Yih firqe Yahúdáh aur Isráel ke nám se mashhúr hue ; Yahúdáh ke firqe men Yahúdáh aur Binyamín ke firqe mashmúl hai, aur dúsre men báqi dason firqe sharík the.

S. 97. In donon saltanaton kí dár-ul-hukúmaten kyá thin ?

J. Yahúdáh kí bádsháhat ká dár-us-saltanat Aurshalím thá ; aur Sámariya Isráel kí dár-ul-hukúmat thí.

S. 98. Kutub i Rabbání kí bárahwin kitáb ká kyá nám hai ?

J. Salátín kí dúsrí kitáb. Yih donon kitáben asl men ekhí thin, lekin yih taqsím Septúejint aur Vulget tarjumon kí hai.

S. 99. Is kitáb ko kis ne likhá ?

J. Yá to Azrá yá Yaramiyáh ne.

S. 100. Is kitáb men kitne zamáne ká ahwál mushtamal hai ?

J. Tīn sau áth baras ká, yāne k̥hilqat kī paidáish ke tīn hazár ek sau áthwen baras se lekar tīn hazár chār sau solah tak.

S. 101. Is kitáb men kaun kaun sí bāten marqúm hai?

J. Is kitáb men Isráel aur Yahúdáh kī tawárik̥h asírī ke zamáne tak mashmúl hai. Aláwa is ke us men Eliyáh ke naql i makán karne, aur Elíshā kī k̥hidmatguzárī, aur Aushalím kī halákat ká ahwál mundarj hai.

S. 102. Yahúdáh aur Isráel ke bádsháhon ká mufassal bayán karo?

YAHÚDÁH KE BÁD- SHÁH.	<i>Mas̥h</i> <i>se áge.</i>	ISRÁEL KE BÁD- SHÁH.	YAHÚDÁH KE BÁD- SHÁH.	<i>Mas̥h</i> <i>se áge.</i>	ISRÁEL KE BÁD- SHÁH.
Rihábiām	975	Yarúbiām	Malka		
			Athaliá	884	Yehú
Abiyáh	957		Yahoásh	878	
Asá	955			855	Yahúahaz
	954	Nádab		840	Yahoásh
	952	Baashá	Amaziáh	838	
	929	Elah		824	Yarúbiām
	928	Zimrí,			II.
		Omri	Uzziyáh	809	
	917	Akhiyab		772	Zakariyáh
Yahúshafat	914			771	Shalum
					Menazem

YAHÚDÁH KE BÁD- SHÁH.	Masíh se áge.	ISRÁEL KE BÁD- SHÁH.	YAHÚDÁH KE BÁD- SHÁH.	Masíh se áge.	ISRÁEL KE BÁD- SHÁH.
	897	Ahaziáh		760	Píkáhiyáh
	896	Yahorám		758	Píkáh
Yahorám	889		Yútám	757	
Ahaziáh	885		Ákhaz	741	
				729	Hoshea
			Hizqiyáh	726	
				721	Sámariya ká gárat honá.
			Manassí	696	
			Amún	641	
			Yúsiyáh	639	
			Yahoahaz	609	
			Yuháikim	609	
			Yahúyakim	598	
			Zadakiyáh	598	
			Aurshalím ká liyá jáná aur haikal ká gárat ho- ná.	588	

S. 103: Isráel kab asírí men láe gae?

J. Masíh se sát sau ikkís baras peshtar. Shálmanazar sháh i Asúr ne Sámariya ko le liyá aur das firqon ko apne mulk men asír kar le gayá.

S. 104. Sámariya dobárah kis tarah se ábád húa?

J. Sháh i Asúr ne apne mulk se wahán ádmí bheje, aur un ke un Isráelíon ke sáth jo wahán rah gae the, mil jáne se ek ámez qaum ban gai. Jab ki Aurschalím kí haikal kí tamír men Yahúdíon ne Sámarión se madad lene ká inkár kiyá, to unhon ne ek Lewí ko apná káhin baná liyá, aur apne liye Girizím ke pahár par ek haikal tamír kí. Unhon ne sachehe Kḥudá kí íbádat ke sáth butparastí ko shámil kiyá. Sámri áj ke din tak aláhida hain, (dekho 2 Salátín 17 : 24—41).

S. 105. Yahúdáh kí kai asíríán mazkúr húi hain ?

J. Salátín kí kitáb men do ká zikr hai ; Yaramiyáh nabí kí kitáb men tén ká bayán hai ; aur chauthí asírí ká jo in se áge wáqi ho chukí thí, Dániel nabí ne zikr kiyá hai.

S. 106. Jis asírí ká tazkira Salátín kí kitáb men húa hai, wuh kis zamáne men wáqi húi ?

J. Masíh se chha sau chha baras peshtar. Nabúḥhudnazar ek hazár áth sau ádmíon ko Bábul men asír kar le gayá, yih pahlí asírí hai

jis ká zikr Yaramiyáh kí kitáb men húá hai,
(dekho 2 Sal. 24 : 10—71.)

S. 107. Dúsrí asírí kab wáqí húí ?

J. Masíh se páñch sau aṭhásí baras peshtar ;
jab Sidqiyáh ne bagáwat kí, to Nabúḡhudnazar
Aurshalím ke shahr aur us kí haikal ko gá-
rat karke báqí logon ko Bábul men asír karke
le gayá.

S. 108. Wuh Aurshalím men kab laṭe ?

J. Masíh se páñch sau aṭhtís baras peshtar,
Khusro ne Bábul ko maftúh kiyá, aur is se do
baras baḍ (yañe Masíh se páñch sau chhattís
baras peshtar us ke farmán ke bamújib chálís
hazár se ziyáda ziyáda Yahúdí laṭe áe.

S. 109. Kutub i Rabbání kí terahwín aur
chaudahwín kitábon ke kyá nám hain ?

J. Tawáríḡh kí kitáben.

S. 110. In kitábon men kitne zamáne ká
ahwál mundarj hai ?

J. Qaríb chár sau satsaṭh baras, yañe Dáúd
ke zamáne se leke asírí tak ká.

S. 111. In kitábon ko kis ne likhá ?

J. Gumán gálib hai ki Azrá ne unhen likhá.

S. 112. In kitábon ká kyá k̥hulása hai ?

J. Pahle nau báb men nasabnáme mundarj haiṇ ; baḍ azáṇ un men Dáúd aur Sulaimán ká ahwál mundarj hai, chunáṇchi un men bahut sí báten miltí haiṇ, jo Samúel kí kitábon men darj haiṇ ; aur aláwa is ke in men Yahú-dáh aur Isráel kí mukhtasar twárikh bhí mashmúl hai.

S. 113. Kaun chha-kitáben ápas men bahut munásibat rakhtí haiṇ ?

J. Samúel aur Salátín o Tawárikh kí kitáben.

S. 114. Kutub i Rabbání kí pandrahwín kitáb ká kyá nám hai ?

J. Azrá kí kitáb.

S. 115. Is kitáb men kitne zamáne ká hál likhá hai ?

J. Qaríb unásí baras ke arse ká, aur is men Khusro kí saltanat ká ek hissa, aur Kambaisís, aur Megas o Dará aur Zarksís, aur Ardsher kí saltanat ke ek hisse ká bayán húa hai. Yih Ardsher yaṇe Artakzarksís na sirf

Írán ká balki Mádía kí saltanat ká bhí bádsháh thá.

S. 116. Is kitáb men kin kin báton ká tazkira húá hai?

J. Yahúdíon ke Aurshalím men phir áne, aur us shahr aur us kí haikal kí tamír ká is kitáb men mazkúr hai.

S. 117. Azrá ká kyá hál malúm hai?

J. Wuh Hárún ke beté Finíhás kí aulád men se, aur ek Yahúdí kátib aur káhin thá. Yúsífas ne likhá hai ki wuh un Yahúdíon ká sardár káhin thá jo Bábul men rah gae the. Wuh Masíh se chár sau sattáwan baras áge Írán ke bádsháh kí taraf se bhejá gayá thá ki haikal ko sari nau árásta kare aur khális íbádat ko phir bahál kare; us ne Pák Nawishte kí kitábon ko jamá karke unhen murattab kiyá. Riwáyat kí rú se aisá malúm hotá hai, ki us ne aur bhí kaí baṛe baṛe kám kie, lekin yih kám páya ísabút ko nahín pahunchte. Yahúdí bád Músá ke Azrá hí ko qábil í tazím samajhte the. Dijla nadí par ek qabr hai jis ko log Azrá kí qabr qarár dete hai.

S. 118. Yih दूसरी हाikal kab aur kahān tamīr hūi ?

J. Masīh se pānch sau chattīs baras peshtar Shāh i Khusro ke hasb i farmān Yahūdī Aurshalīm ko laut āe aur unhon ne Fuīnīkī kārīgaron ko apnī madad ke liye muqarrar kiyā. Unhon ne is दूसरी हाikal ko pahlī हाikal ke muqām par aur aglab hai ki pahle hī ke tarz par banāyā. Wuh Masīh se pānch sau pandrah baras peshtar khatm hūi.

S. 119. Yih दूसरी हाikal pahle ke muqābil men kaisī thī ?

J. Wuh pahle ke muqābil men aisi behaqīqat thī, ki būrhe ādmīon ne is हाikal ko dekhkar agle ko yād karke ro diyā.

S. 120. Kutub i Rabbānī kī solahwīn kitāb kā kyā nām hai ?

J. Nahamiyāh nabī kī kitāb.

S. 121. Is kitāb men kitne zamāne kā hāl darj hai ?

J. Qarīb bārah baras ke ārse kā.

S. 122 Is kitāb men kyā mazkūr hai ?

J. Is kitāb men Yahūdīon ke ahwāl kā taz-

kira हुआ है, Azrá kī kitāb ke khatm hone ke bārah baras bad se; aur is mein un taklifāt kā bayān हुआ है, jo Aurshalīm kī dīwār ke phir tamīr hone aur ibādat kī khulūsiyat aur logon mein intizām ke bahāl karne mein Nahamiyāh nabī ne uthāe. Yih Purāne Ahd-nāme ke tawārikhī kitāb ke silsile mein pichhlī kitāb hai.

S. 123. Nahamiyāh kaun thā?

J. Wuh Yahūdī aur Írán ke bādshāh kā pyālā-bardār thā. Wuh barā dīndār aur sargarm hākīm aur tashīh karnewālā thā, aur asirī ke aiyām mein paidā हुआ thā. Nahamiyāh hākīm aur Azrá kāhin ne Yahūdīon kī ibādat aur un ke darmiyān intizām ko phir bahāl kiyā aur Pāk kalām ko mujtama kiyā.

S. 124. Kutub i Rabbānī kī satrahwīn kitāb kā kyā nām hai?

J. Esther kī kitāb.

S. 125. Yih kitāb Esther kī kyūn kahlātī hai?

J Is liye ki us mein Malika i Esther yane Hadāssa kā ahwāl mundarj hai.

S 126. Is kitáb men kitne zamáne ká hál darj hai ?

J. Qaríb gyárah baras ká, par yih zamána sahíh ma'lúm nahín hai.

S. 127. Is kitáb men kin kin báton ká bayán huá hai ?

J. Esther ká Írán kí malika ká martaba páná ; Háman ká faḡhr aur us ká hasad ; us kí kínakash sázish Yahúdíon kí halákat kí nisbat, aur us kí bandishon ká usí par ulaṭ kar paṛná.

S. 128. Is kitáb ko kis ne likhá ?

J. Is ká musannif ma'lúm nahín hai.

S. 129. Ahásheuras Írán ke kis bádsháh se mushábih kiyá gayá hai ?

J. Is sawál ke muqaddame men baṛí mushkil darpesh hai. Bāzon ká yih gumán hai ki yá to Dárá yá Zarksís yá Ardsher in tīnon men se ek koí Ahásheuras thá. Yúsífas aur Septúajint donon ke qaul se Ardsher ke ḡawe kí pushtí hotí hai.

S. 130. Is kitáb men kaun sí ḡhusúsiyat hai ?

J. Ḳhudá ká nám is men mazkúr nahín hai.

S. 131. Márdikaí ne kaun sí íd muqarrar kí?

J. Púrím kí íd, yih íd Háman kí sázish se Yahúdíon kí rihái kí yádgár thí. Is íd ko Yahúdí ab tak mánte hain, chunánchi yih bát Kalám i Iláhí kí sachcháí kí shahádat hai.

S. 132. Kutub i Rabbání kí aṭhārahwīn kí-táb ká kyá nám hai?

J. Aiyúb kí kitáb.

S. 133. Aiyúb kí nisbat kyún logon ká-gu-mán hai ki wuh koí khyálí shaḡhs thá?

J. Is báis se ki us kí tawáríkh majází ma-lúm hotí hai. Shaitán ká Kḡudá se muláqí honá, Aiyúb ka asbáb aur us ke larḡon kí takh-sís; us ke doston ká taur, aur is kitáb ká tarz tawáríkhí nahín, balki tamsílí ma-lúm hotá hai.

S. 134. Kyúnkar sábit kar sakte ho ki Ai-yúb khyálí shaḡhs nahín thá?

J. Is kitáb ke díbaja aur us ke kḡátime ke qatā nazar us ke báqí mazmún se sáf zāhir hai ki Aiyúb náme koí shaḡhs filḡaḡíqat maujúd thá. Phir is kitáb meḡ jo nám aur aur mājre

mazkúr húa haiñ, un kí súrat tawáríkhí mālúm hotí hai. Pák Nawishte ke aur hisson ke musannifon ne us kí asálat ká tazkira kiyá hai. Hizq. 14 : 14 men Aiyúb ká zikr Núh aur Dániel kí sharákat men húa hai, aur is bát se yih natíja nikaltá hai, ki yih tinoñ shaḡhs filhaqíqat maujúd the, aur Yaqúb Hawárí ne use sabr ká namúna ṭhahráya hai. Yih bát kisí tarah se sábit nahín ho saktí, ki wuh dar asl maujúd na thá.

S. 135. Is kitáb ká ráqim kaun thá ?

J. Is muqaddame men bará ikhtiláf hai, lekin ámm ráe yih hai ki Aiyúb ne ḡhud use likhá.

S. 136. Lafz *Aiyúb* ke kyá mañe haiñ ?

J. Is lafz ke mañe hamla kiye gae ke haiñ.

S. 137. Yih kitáb kab likhí gaí ?

J. Yih bát sahíh mālúm nahín hai. Wuh Yasáiyáh nabí ke zamáne se peshtar likhí gaí hogí ; kyúnki us men us ká ishára páya játá hai. Baẓon ká yih gumán hai ki wuh Músá ke zamáne ke peshtar likhí gaí hogí, aur baẓe

gumán karte haiñ ki Músá hí ke zamáne men likhí gaí, aur bazon ká yih khiyál hai ki wuh Músá ke zamáne ke bad likhí gaí.

S. 138. Kis dalíl se sábit karte haiñ, ki yih kitáb Músá ke zamáne se peshtar marqúm húi?

J. Pahlí dalíl :—Aiyúb ká mazhab aisá thá jaisá ki Abirahám ke zamáne men murauwíj thá. Aiyúb ne khud qurbání guzraní, jis se yih ishára páyá játá hai, ki us ke zamáne men káhin na the.

Dúsrí dalíl :—Is kitáb men Yahúdíon ke rasúmat aur shariát i Músawí ká mutlaq zikr nahín húa.

Tísrí dalíl :—Is kitáb men baní Isráel ke Misr men muqím rahne aur un ke khurúj kárne ká ishára tak nahín miltá.

Chauthí dalíl :—Is kitáb men bahut se aise alfáz mustamil haiñ jo bahut qadím the, aur akhír zamáne ke tasnífon men ráij nahín.

S. 139. In dalílon kí nisbat un logon ká kyá khiyál hai jin kí yih ráe hai ki yih kitáb Músá ke zamáne ke bad likhí gaí?

J. Musannif apne dalíl ke subút men Pák

kalām ke kḥáss kḥáss maqámát ko pesh nahín látá, aur na Yahúdíon ke rusúmát se ishára kartá hai, par ámm mazhabí kḥiyálát aur ágá-hí kí bunyád par apní dalíl ko qáim kartá hai, aur isí liház se jin jin jagahon ká zikr is kitáb men húa hai so wuh sab zamín i Kanaán kí hadd se báhar hain, aur us ká zamána Yahúdíon ke nizám par muqaddam hai, chunánci Kḥudá ká nám is kitáb men lafz i *Yahowáh* ke nám se mulaqqab nahín húa hai. Is kitáb kí ibárat is kitáb ke maqsad se mushábih kí gaí hai.

S. 140. Kin kin dalílon se yih bát sábit karte hain ki yih kitáb Músá ke zamáne ke baḍ likhí gaí?

J. Is dalíl se ki is kí ibárat Amsál aur Zabúron kí kitáb ke aksar maqámát se ámm mushábihat rakhtí hai. Kahte hain ki is kitáb men ek sau untáliswín Zabúr ká matan mustámil húa hai. Músá ke zamáne tak aísí al-at-tartíb kitáb ká likhá jáná muhál thá. Ilm ká nayá zamána Samúel aur Dáúd se shurú hotá hai. Is muqaddame ke sabút men donon jánib se bará ilm kḥarch húa hai.

S. 141. Is kitáb kī garz aur us kā maqsad kyá hai?

J. Wuh K̲hudá ke intizám ke taur kī nisbat shájrána mubáhisa hai. Is men is bát kī tah-qíqát húi hai, ki insán kī chál ke bamújib is dunyá men use púrī aur wájib sazá yá jazá miltí hai yá nahín. Aiyúb ke tīnon dost kā yih aqída hai ki jo májre insán par wáqī hote hain wuh bahar-hál insán kī chál ke natíje hain; ki rástbáz sirf barakat hí hásil karte hain, aur sharír sirf tādīb hí páte hain, liházá is qáide se donon kā ba-ásání imtiyáz ho saktá hai. Aiyúb kī ráe is ke baraks hai, aur us kī tawárikh isí wáste likhí gaí ki us ke dalíl ke tasdíq ho.

S. 142. Aiyúb kis mulk men rahtá thá?

J. Úz kī zamín men.

S. 143. Úz kī sarzamín kahán thí?

J. Is kā hál sahíh mālúm nahín hai. Aglab hai ki Úz kā mulk Arab ke dasht ke kisé hisse men zamín i Kanaán aur Furát nadí ke darmiyán wáqī thá. Arabí ab tak ek jagah ko Úz kahte hain aur yih hawála dete hain ki Aiyúb yahín rahtá thá.

S. 144. Kutub i Rabbání kí unníswín kí-
táb ká kyá nám hai?

J. Zabúron kí kitáb.

S. 145. Is kitáb kí kyá sifat hai?

J. Yih sháirána tasníf ká majmuʿa hai, jin kí
garz yih thí ki bájon ke hamráh gáí jae.

S. 146. In Zabúron ko kis ne mujtamā karke
murattab kiyá?

J. Aglab hai ki Azrá se yih kám anjám pá-
yá, Masíh se chár sau pachás baras peshtar.

S. 147. Yih majmúʿa Ibrí men kitne hisson
men munqasim húá hai?

J. Páñch hisson men. Pahle hisse men
pahlí iktálís zabúren hain; dúsre men iktís
zabúren hain, byálís se bahattar tak; tísre
men satrah zabúren hain, tihattar se nawásí
tak; chauthé men satrah hain, nauwe se ek sau
chha tak; páñchwén men báqí sab zabúren
hain. Yúnání tarjumewálon ne bhí inhín páñch
hisson ko qáim rakhá hai.

S. 148. Kyá zabúron ke sarnámon ko il-
hámí samajhná cháhiye?

J. Is par log muttāfiq nahín hain. Yih sar-

náme bahut qadím haiñ, lekin yih ma'lúm nahíñ ki un ke musannifon ne un ko darj kiyá, áyá kisi aur ne. Aglab hai ki baz baz un ke musannifon hí ne darj kiye, aur baz baz auron ne.

S. 149. Zabúron ke musannif kaun the ?

J. Pahle hisse kí zabúren khashs Dáúd kí likhí haiñ ; दूसरे hisse kí baz baz to Dáúd kí haiñ, par un men se aksar baní Qurah kí likhí haiñ ; tísre hisse kí zabúren Ásaf kí zabúren haiñ ; aur chauthé aur páñchwen hisse kí zabúron par musannifon ke nám darj nahíñ haiñ.

S. 150. In tasnífát kí kyá sifat hai ?

J. In kí sháiri bahut umda hai, aur in men baz baz zabúren íbádatí haiñ, aur baz baz tawárikhí o baz baz nabawí haiñ. In nabawí zabúron men se bahut sí Masíh kí nisbat peshkhabarián haiñ. Zabúr 2, 16, 22, 40, 41, 45, 69, 72, 89, 109, 110 aur 132, yih sab Masíh kí nisbat peshkhabarí detí haiñ.

S. 151. Ibrání zubán kí aur is zamáne kí sháiri men kyá farq hai ?

J. Farq yih hai, ki Ibrání ashár qáfiya o radíf se khálí haiñ, aur is zamáne kí sháirí men yih donon sifaten maujúd haiñ.

S. 152. Zabúr kí kitáb ke sarnámon men kaun kaun alfáz darj haiñ, jin ká tarjuma nahín huá, aur un ke kyá mane haiñ ?

J. Wuh kaí ek aise alfáz haiñ jin ke mane sahíh malúm nahín haiñ. Un men se baz baz to bájon ke nám haiñ, baz baz rágon ke nám haiñ, jin par wuh zabúr gáe játe the ; aur baz baz alfáz se zabúron kí sifaten malúm hotín, aur baz baz gánewálon kí hidáyat ke liye haiñ. Yih alfáz yih haiñ :

Aiyalet Sháhár (dekho 22wín zabúr ká sarnáma). Is lafz ke mane *subh kí harní* hai, aur aglab hai ki yih kisí rág ká nám thá.

Alámoth. (Zab. 49.) Is ke mane *kúnwári* ke haiñ, aur us ká matlab yih thá, ki yih zabúr kunwáron kí áwáz par gáí jáe.

Al-tashketh. (Zabúr 57, 58, 59 aur 75.) Is ke mane haiñ, *halák na kar.* Is se is zabúr ká gáná aise rág par matlúb thá, jo in alfáz se shurú hotá thá.

Gittíth. (Zab. 8, 81, 84.) Is lafz ká matlab mashkúk hai. Aglab hai ki wuh ek báje ká nám thá, jo Gáth shahr se láyá gayá.

Higgáion. Is ke mané sach ke hain,

Yadútún. (Zab. 39, 62, 77.) Bamuqábila l Tawárikh 25 : 1—3. Yih Dáúd ke kháss muganníon men se ek ká nám hai.

Funáth-elim-rahokím. (Zab 56.) Is lafz ke mané hain, *gúngí fákhata darmiyán ajnabíon ke*, aur yih kisi gazl ká nám hai, yá to us se zabúr ke matlab ká ishára hai, yane Dáúd ká jab wuh Gáth men thá.

Leannoth. (Zab. 88). Is ke mané hain *gáne ke liye*.

Mahláth. (Zab. 3, 88). Yih kisi rág yá báje ká nám hai.

Maskíl. Yih lafz 13 zabúron ke sarnámon men miltí hai, aur us ke maní *talím dihindá* hai.

Miktám. (Zab. 16, 56, 60). Is lafz ke mané sunahlá zabúr hai.

Múth-labben. (Zab. 9.) Yane larkon ke táife se gáe jáne ke liye.

Naginoth. (Zab. 4, 6, 54, 56, 60, 61, 76.)

Is ká matlab hai *tár ká bájá*.

Nehiloth. (Zab. 5.) *Hawái bájá*.

Siláh. Yih lafz zabúron kí kitáb men 73 martaba jumlon kí akhír men páyá jātá hai. Is ke mṇe ṭaharne ke haiṇ, aur is se báje ke darmiyán ṭahar jáne ká ishára hai.

Shamínith. (Zab. 6, 12.) Ek báje ká nám.

Shiggáion. (Zab. 7.) Bamañí gazal yá gīt.

Shúshán. (Zab. 60, 45, 69, 80.) Is lafz ke mṇe mashkúk haiṇ. Logon ká gumán hai ki kisí báje ká nám hai.

S. 153. Dáúd kaun thá?

J. Wuh nabí thá; aur Isráel ká dúsrá bád-sháh.

S. 154. Dáúd kis zamáne men maujúd thá?

J. Wuh Masíh se ek hazár pachásí baras peshtar paidá húá, ek hazár pachpan baras peshtar sáhib i táj húá, aur ek hazár chaudah baras peshtar wafát páí.

S. 155. Dáúd lafz ke kyá mṇe haiṇ?

J. Is lafz ke mṇe aṛíz haiṇ.

S. 156. Us ke nawishton kī nisbat log kyā kahte haiñ?

J. Log us kā darja mashhūr o maṛūf nabīon aur muqaddason meñ qāim karte haiñ. San-jīdagī o nazākat aur mazhabī k̥hiyālāt kī ba-landī aur k̥hulūsiyat kī nisbat us kī tasnīfāt lāsānī haiñ.

S. 157. Dāūd kī chāl o chalan kī kaisī tarīf hūī hai?

J. Us kī nisbat likhā hai, ki wuh K̥hudā-wand kā dilk̥hwāh shakhs thā, dekho 1 Sam. 13 : 14 aur Aṣmāl 13 : 22.

S. 158. Āsaf kaun thā?

J. Wuh Barakiās kā beṭā aur Lāwī thā (dekho, 1 Sal. 6 : aur 15 : 17.) Wuh Dāūd kī taraf se haikal ke gawaīyon kā sarbarāhkār muqarrar kiyā gayā thā. Yih uḥda usī ke gharāne meñ qāim rahā. “ Banī Āsaf haikal ke mugannī the,” (dekho 1 Sal. 25 : 1 ; aur Nah. 7 : 44.) Wuh nabī bhī thā (dekho 2 Sal. 29 : 30,) aur shāīr bhī thā ; bārah zabūren us se nisbat kī gaī haiñ. Pāk Nawishton meñ do aur Āsaf kā mazkūr hūā hai, ek jo Hizqiyāh

bádsháh ke zamáne men maujúd thá, aur दूस-
रा, jo Ardsher bádsháh ke aiyám men thá.

S. 159. Kutub i Rabbání kí bíswin kitáb
ká kyá nám hai.

J. Amsál kí kitáb.

S. 160. Yih kitáb kab likhí gaí aur kis ne
likhí ?

J. Yih kitáb Masíh se ek hazár baras áge
likhí gaí, aur aḡhír ke do bábon ke siwá is
samúchí kitáb ko Sulaimán ne likhá.

S. 161. Tíswen aur ektíswen bábon ko kis
ne likhá ?

J. Tíswen báb ká ráqim Águr, jo Massa kí
malika ká betá thá. Iktíswen báb ká likhne-
wálá Massa ká bádsháh Lamúel thá, aur aglab
hai ki yih bádsháh Águr ká bhái thá. Daswín
áyat se yih ishára miltá hai, ki yih báb Lamúel
kí má ne likhá, aur is gazal men yih ḡhúbí
hai ki asl zabán men har ek jumla hurúf i ta-
hajjí ke ek ek harf se shurú hotá hai.

S. 162. Misál kyá shai hai ?

J. Misál ek taur kí muḡhtasar íbárat hai,
aur us kí yih sífat hai ki ek haqíqat ko ajíb

taur par aur bahut mauzún waza se sábit kar detí hai.

S. 163. Amsál ke siwá is kitáb men aur bhí kuchh hai ?

S. Hân. Is men bahut sí nasíhaten aur aḡhbár kí aisí báten likhí hain jo amal men láí já saktí hain.

S. 164. Kyá jitní misálen Sulaimán ne kahín sab is kitáb men darj hain ?

J. Nahín ; us ne tén hazár tamsílen, aur ek hazár páñch gazalen kahín (dekho 1 Sal. 4 : 32.)

S. 165. Yih kitáb kyúnkar taqsím húi hai ?

J. Is kí taqsím páñch hisson men húi hai. Pahle hisse men nau báb hain, yih sab aur hisson ká dibája hain, sirf un men haqíqí dánish kí qadr ká bayán hai. Dúsrá hissa daswen báb se shurú hai, aur báiswen báb kí solahwín áyat par ḡhatm hotá hai, aur is hisse men sirf tamsílen hain. Tísrá hissa báiswen báb kí satrahwín áyat se shurú hai aur chaubíswen báb par ḡhatm hotá hai. Is men dánish kí nisbat aur ziyáda nasíhat miltí hai. Chauthe hisse men páñch báb

haiṇ, (yaṇe pachís se untís,) aur is meṇ wuh tamsíleṇ darj haiṇ jo Hizqiyáh ke logon ne muntakhib kiye. Páñchweṇ hisse meṇ báqí do báḅ haiṇ.

S. 166. Kutub i Rabbání kí ikkíswíṇ kitáb ká kyá nám hai ?

J. Wáḡz kí kitáb.

S. 167. Is kitáb ká ráqim kaun thá ?

J. Sulaimán.

S. 168. Is kitáb kí mansha kyá hai ?

J. Is meṇ ḡhushí ke husúl kí nisbat dánish-mandána tazkira hai, aur is se dunyawí chizon kí batálat musbit hai.

S. 169. ḡhushí kí nisbat Sulaimán ne kyá gawáḡhí dí hai ?

J. Us kí gawáḡhí yih hai, ki daulat i dunyá aur dánish aur iqtidár ke husúl se maine ne yih tajriba kiyá ki siwá ḡhudá ke ḡhauf aur us ke hukmon par amal karne ke aur kisí bát meṇ haqíqí-ḡhushí muyassar nahíṇ ho saktí.

S. 170. Kutub i Rabbání kí báíswíṇ kitáb ká kyá nám hai ?

J. ḡazal-ul-ḡazalát, yaṇe Sulaimán kí gaza-

leñ ; inheñ Ğazal-ul-Ğazalát is liye kahte haiñ,
ki yih Sulaimán kí sab se umda gazalen haiñ,
aur us ne ek hazár páñch gazalen likhí thín.

S. 171. Is kitáb kí kyá haqíqat hai?

J. Is meñ tamsíl ke taur par Masíh aur
kalísíyá kí báham muhabbat ká bayán hai.

S. 172. Sulaimán ne kab yih kitáb likhí?

J. Gumán gálib hai ki us ne apne sinn i
shabáb meñ ise tasníf kiyá; aur Amsál kí
kitáb us kí bulúgíyat meñ o Wáiz kí kitáb sinn
i zaífí meñ likhí gaí.

S. 173. Sulaimán kaun thá?

J. Dáúd ká beṭá aur bádsháh i Isráel. Wuh
Masíh se ek hazár pandrah baras peshtar
apne báp ke takht par gaddí nashín húá.

S. 174. Us kí ziyáda shuhtrat kaun se kḥáss
májare se húí?

J. Us kí barí daulat aur dánish o iqtidár
ke sabab se, aur is bájs se ki us ne pahlí
haikal tamír kí, jo Sulaimán kí haikal kahlátí
hai.

S. 175. Sulaimán kí chál kaisí thí?

J. Wuh apní saltanat kí ibtidá meñ bará

Khudá-parast thá, par apní akhír saltanat men apní but-parast bíbion ke wargaláne se wuh but-parastí ke gunáh men mubtilá ho gayá.

S. 176 Khudá ne use kyúnkar is kí sazá dí?

J. Is tarah par ki us kí saltanat ká bará hissa us ke beṭe ke háth se nikal gayá, aur us mamlukat ke do hisse ho gae, das firqe Isráel ke, aur do Yahúdáh ke.

S. 177. Kutub i Rabbání kí teíswín kitáb ká kyá nám hai?

J. Yasaiyáh nabí kí peshíngoí.

S. 178. Nabíon ko áyanda májaron kí khabar kyúnkar miltí thí?

J. Musháhida i Iláhi se. Bāz bāz auqāt yih májare un ke dilon par ek taswír yá rúyat ke taur par roshan kie gae; bāz bāz waqt unhon ne ásmán se áwáz suní; aur yih musháhida un par kabhí bedárá kí hálát men aur kabhí kabhí khwáb yá sone kí hálát men munkashif hue.

S. 179. Kis zamáne men nabíon ká uḥda qarár páyá?

J. Agarchi buzurgon ke zamáne men ak-

sar auqát, logon ne peshíngoíán kí haiñ, táham nizám i Músawí ke áhd men yih uhda us nizám ke sáth Kḥudá ke hukm se qarár páyá. Is uhde kí ibtidá Samúel ke waqt men pái játi hai, kyúnki us ne nabíon ke maktab muqarrar kie the.

S. 180. Kis zamáne men nabíon ne apní peshḥabríán qalamband karná shurú kí?

J. Masíh ke zamáne se áth sau baras peshtar.

S. 181. Yasaiyáh nabí kí peshḥabarái aur aur nabíon kí peshḥabaráion men kyá farq hai?

J. Yasaiyáh nabí ke kalám kí íbárat auron ke banisbat ziyádatar ḥhush-bayán aur sanjída hai, aur us ká tarz Injíl ke mansha se ziyádatar mushábih hai.

S. 182. Yasaiyáh nabí ko Injílí nabí yá páñchwín Injílí ḥhushḥabrái denewálá kyún kahte haiñ?

J. Is báis se ki us ne Masíh kí ámad aur us ke uhde o saltanat ká bahut aur wázih bayán kiyá hai. Jerome ne kahá hai, ki “Mujhe aisá maḥlúm hotá hai ki Yasaiyáh ne peshḥabarái nahín, balki Injíl likhí hai.”

S. 183. Lafz i Yasaiyáh ke kyá mane haiñ ?

J. “ Khudáwand kí naját.”

S. 184. Yasaiyáh nabí kis zamáne men maujúd thá ?

J. Wuh Uzziyáh ke áhd i saltanat men nabí ke ÷hde par muqarrar húá, aur Yahúdáh ke bádsháhon Yútám o Aḡhaz aur Hizqiyáh ke dinon tak nabúwat kartá rahá. Us kí sahíh táriḡh maḡlúm nahíñ hai. Us ká daur Masíh se sāt sau unsaṡh baras áge se, sāt sau terah baras peshtar tak thá. Bāz bāz ádmí is zamáne ko aur túl dete haiñ, yañe Masíh se sāt sau painsaṡh áge se, chah sau aṡṡhánauwe baras peshtar tak.

S. 185. Yasaiyáh ke hamasār kaun kaun nabí the ?

J. Húsía, Amús, Yúnah, aur Míkáh o Yúel.

S. 186. Yasaiyáh kí maut kí nisbat kyá riwáyat hai ?

J. Wuh Manassí bádsháh ke áhd men áre se chírá gayá.—(Dekho Ibr. 11 : 37, aur 2 Sal. 21 : 16.) Aur yih bhí riwáyat hai, ki us ká

sinn ek sau bís baras ká thá, aur ki us ká wálid Amús, Yahúdáh ke bádsháh Yúás ká beṭá Amasiyáh ká bhái thá. (Dekho 2 Sal. 14: 1.)

S. 187. Yih kitáb kai hisson men taqsím húi hai?

J. Yih kitáb do hisson par taqsím kí gai hai. Pahle hisse men wuh peshkhabarián hain jo Yahúdí qaum se taalluq rakhtí hain, aur is men pahle untálís báb hain, aur dúsre hisse men wuh peshkhabarián hain jo baíd májaron se iláqa rakhtí hain, aur is men kull nizám i Masíhí mushtamil hai.

S. 188. Kutubi Rabbání kí chaubíswín kitáb ká kyá nám hai?

J. Yaramiyáh nabí kí peshkhabarí.

S. 189. Yaramiyáh kaun thá?

J. Hilqiyáh ká beṭá, jo Anatát kí bastí ká káhin thá. Wuh bahut sagír sinn men (dekho Yar. 1: 6;) Yúsiyáh bádsháh kí saltanat ke terahwen baras men (yañe Masíh se chhah sau untís baras áge) aur Yasaiyáh nabí kí wafát ke sattu baras baḍ nabúwat ke uḥde par

maḵhsús húa. Yaramiyáh lafz ke maṇí hai,
 “Ḳhudáwand ká maḵhsús.”

S. 190 Yaramiyáh nabí kis ke aṣar meṇ
 maujúd thá ?

J. Yúsiyáh aur Yahúyaqím o Zidiqiyáh bád-
 sháhon ke aṣar meṇ, aur jis zamáne meṇ kī
 Gadaliáh hákim thá. Wuh Masīh se chhah
 sau aṭṭháís se páñch sau chhiyásí baras pesh-
 tar tak hín hayát thá.

S. 191. Kaun kaun nabí Yaramiyáh ke
 hamāsar the?

J. Safaniyáh, Habaqqúq, aur Hizqíel o Dá-
 níel.

S. 192. Yaramiyáh nabí ke nawishtaját kī
 kyá sifat hai ?

J. Us ke nawishte dilsozī aur riqqat o udá-
 sí se pur haiṇ, aur un ke bayán meṇ baṛí
 jángudází aur baṛá lutf hai.

S. 193. Us kī peshḵhabaríon kī kyá mansha
 hai ?

J. In kī mansha wuh aḍálaten haiṇ jo us kī
 qaum ke logon par un kī but-parastí o sharárat
 ke báis se názil hone par thín.

S. 194. K̄hudá ne kin ko ijázat dí, ki unhen maftúh karke asír kar le jáe?

J. Nabúkhudnazar sháh i Bábul ko.

S. 195. Kyá Yaramiyáh ne un ke phir bahál hone kí.khabar dí thí?

S. Hán; us ne kahá thá, ki we sattar baras kí asírí ke bād phir áenge.

S. 196. Kyá yih peshkhabarián us kí hín hayát men púrí hún?

J. Un men se bāz bāz us ke jíte jí púrí hún, aur bāz bāz us kí wafát ke bād.

S. 197. Us kí wuh peshkhabarián kyá thín, jo baid zamáne se iláqa rakhtí thín?

J. Bábul kí tabáhi; rasmí shariát ká uṭh jáná; Yahúdion kí parágandagí aur un ká alag qaum mahfúz rahná; Gair-qaumon ká talab kiyá jáná, aur but-parastí ká munhadim honá.

S. 198. Us kí kaun kaun peshkhabarián ab tak púrí nahín hún?

J. Yahúdion ká Masíh par ímán láná, aur apne mulk men bahál honá; aur Masíh kí zer

saltanat Kḥudá kí kalísyá ká ákhirí jalál, yih sárí peshḵhabarián ab tak púrí nahín hún.

S. 199. Kyá is kitáb kí peshḵhabarián un ke diye jáne ke waqt ke silsile men murattib hai?

J. Nahín ; par yih intizám ṭhahráyá gayá hai : jo peshḵhabarián Yúsiyáh bádsháh ke aḥd men kí gaín wuh pahle bárah bábon par mushtamal hai ; wuh jo sháh i Yahúyaqím ke aḥd men kahí gaín, wuh 13, 20, 22, 23, 35, 36, 45 se 48, aur 49 báb kí 33 áyaton men mazkúr hai ; wuh jo Zidiqiyáh ke aṣar men kahí gaín, wuh 21, 24, 27 se 34, 37, 39 aur 49 báb 34 áyat se 39 tak aur 50 o 51wen bábon men mundarj hai ; aur wuh jo Gadaliáh hákim ke zamáne men kahí gaín wuh 40 se 44 bábon tak mazkúr hai.

S. 200 Kutub i Rabbání kí pachíswín kitáb ká kyá nám hai?

J. Yaramiyáh ká Nauhá.

S. 201 Is kitáb kí kyá sifat hai?

J. Wuh ambiyá ke sahífát ká titimma hai. Yih kitáb Aurshalím aur us kí haikal kí tabáhí kí nisbat, aur logon kí asírí, aur qaht se un ke taklíf utháne, aur aur áfát kí nisbat jo un ke gunáhon ke báis se un par wáqi hún, nauhá yá mátam hai. Is kitáb kí asl ibárat nazmí hai, aur us ke pahle chár bábon kí yih sifat hai, ki har áyat hurúf i tahajjí ke ek nae harf se sburú hotí hai.

S. 202 Yaramiyáh nabí apní zindagí ke akhír men kahán pahuncháyá gayá?

J. Misr men.

S. 203. Us kí nisbat kyá riwáyat karte hain?

J. Yih ki wuh logon ke baraks peshkhabarí detá rahá, is liye logon ne use pathráo karke már dálá, aur ki ársa i daráz ke bad jab Sikandar Buzurg (jise Zul Qarnain bhí kahte hain.) Misr ko gayá us kí haq-díon ko jo gumnámi men madfún thin, nikalwáke unhen Sikandariya men dafn kiyá.

S. 204. Kutub i Rabbání kí chhabbísuṁ
kitáb ká kyá nám hai ?

J. Hizqíel nabí kí peshḵhabarí.

S. 205. Us ne kitne aṛse tak peshḵhabarí
kí ?

J. Masíh ke qabl páñch sau panchánauwe se
leke páñch sau chauhattar tak.

S. 206. Is nám ke kyá maṇe haiṁ ?

J. “Ḳhudáwand mazbútí baḵhshegá.”

S. 207. Hizqíel kaun thá ?

J. Wuh Búsí káhin ká farzand, aur ḵhud
bhí káhin aur nabí thá.

S. 208. Kyá wuh bhí asír ho gayá thá ?

J. Nabúḵhudnazar use Yahúyaqím ke
hamráh asír kar le gayá thá, aur us ne
apní asírí ke páñchwenṁ baras Kasdiya meṁ
peshḵhabarí dená shurú kiyá.

S. 209. Kaun kaun nabí Hizqíel ke ham-
aṛ the ?

J. Yaramiyáh, Dániel, Abadiyáh aur Ha-
baqqúq. Us ne apná daur Yaramiyáh nabí
kí wafát ke thore hí baras peshtar shurú
kiyá.

S. 210. Yahúdí is kí nisbat kyá riwáyat karte hain ?

J. Yih ki Bábul ke asíron ne use már dālā, is bájs se ki us ne wafádárí aur dilerí ke sáth un kí malámat kí. Pák Kalám men us kí maut ká kuchh hál nahín miltá.

S. 211. Us kí wafát kí nisbat Arabíon men kaun sí bát mashhúr hai ?

J. Yih, ki wuh márā gayá, aur Núh ke betē Sim kí qabr men madfún huá.

S. 212. Hizqíel nabí kí peshkhabarí kí kyá manshá hai ?

J. Aurshalím kí halákat; wuh logon ke gunáhon ke sabab se unhen malámat karke, tauba karne kí targíb detá hai. Us kí baz baz peshkhabarián likhí gai thín, peshtar is se ki Nabúkhudnazar ne Aurshalím ko tabáh kiyá. Pachíswen báb se leke battíswen tak us ne ajnabí qaumon kí nisbat peshkhabarián dí hain. Tentíswen se untáliswen bábon ke mazmún tak men Isráel kí aur Kḥudá kí bád-sháhat kí aḥhír fathyábí kí peshkhabarián marqúm hain, aur báqí kitáb men wuh ni-

zám i Injílí ká bayán kanáye men darj hai.

S. 213. Kyá yih peshkhabaríán púrí ho chukí hai?

J. Bahuterí to púrí ho chukí hai, par baz baz ab tak nahín púrí hún. Is kitáb ká akhír hissa mashkúk hai.

S. 214. Us ke tarz kí kyá sifat hai?

J. Is kitáb kí ibárat asr-pizír aur sanjída hai.

S. 215. Kutub i Rabbání kí sattáíswín kitáb ká kyá nám hai?

J. Dániel nabí kí peshkhabarí.

S. 216. Is kitáb men kyá kyá darj hai?

J. Is men tawaríkh aur peshkhabarí milí húi hai. Pahle chha báb tawaríkhí hai, aur pichhle chha nabwí hai.

S. 217. Lafz i Dániel ke kyá mane hai?

J. “Khudá merá munsif.”

S. 218. Kyá Dániel nabí thá?

J. Agarchi wuh nabí ká uhda na rakhtá thá, par us ko nabúwat kí nimat atá thí. Wuh Yaramiyáh aur Hizqíel kí mánind káhin na thá.

S. 219. Dániel kí aglí tawaríkh ká kyá hál maḷúm hai ?

J. Yih, ki wuh álí khándán thá. Wuh Masíh se chha sau chha baras peshtar apne tén doston Sadrak, Mísak aur Abdnajú ke hamráh kam siní meṇ Bábul meṇ asír ho gayá. Wahán us ká nám badalkar Belchásar rakhá gayá. Wuh bádsháh kí khidmat meṇ sarfaráz húa, aur darbáron kí sí talím páí. Wuh apní kam siní hí meṇ apní dindárí aur dánishmandí ke bájs se mashhúr húa, aur Bábul ke súbé par hákim muqarrar húa (báb 2 : 48.) Hizqíel ne us kí dánish ká tazkira kiyá hai (Hizqíel 28 : 3.)

S. 220. Hizqíel ne sadáqat kí nisbat Dániel ko kis se muqábil kiyá hai ?

J. Núh aur Aiyúb se (Hizq. 14 : 14 ; 18 : 20.)

S. 221. Kaun se májare se ibtidáan Dániel kí darbár meṇ shuhrat húi ?

J. Us ká Nabúkhudnazar bádsháh ke khwáb ko batlákar us kí tabír karne se.

S. 222. Dániel kitne din hín hayát rahá ?

J. Masíh se chha sau chha baras peshtar se

leke pānch sau chauntís baras, Masíh ke qabl tak. Wuh tamám asírí bhar maujúd rahá, aur us ne apní ummat ko apne mulk men phir bahál húa dekhá.

S. 223. Us ke ham-āsar kaun kaun nabí the?

J. Yaramiyáh, Hizqíel, Ābadiyáh aur Habáqqúq.

S. 224. Us kí hín hayát men kaun kaun bádsháh musallit the ?

J. Nabúkhudnazar, Belchásar, Niríglísar yá Berosas (jo Belchásar ká sálá thá,) aur Dárá o Khusro bádsháhán.

S. 225. Dániel kí wafát ká kuchh hál ma-lúm hai ?

J. Wuh apní zaífí ke báis se apní ummat ke sáth Bábul se na lautá, aur gumán karte haiñ ki us ne Kasdiá men wafát páí.

S. 226. Jabríel firishte ne Dániel kí nisbat kyá kahá ?

J. Yih ki wuh bahut āzíz ādmí thá. (Dán. 9: 23 ; 10 : 11, 19.)

S. 227. Dániel kí kitáb ke nabwí hisse men kyá mazkúr hai ?

J. Bábul, Mádí, o Fársí, aur Yúnání o Rúmí but-parast qaumon kī taraqqí, aur un ke aḳhír men Kḥudá kī bádsháhat ke mutí hone, aur Masíh kī ámad kī nisbat peshḳhabarían is kitáb men mundarj hain.

S. 228. Us ne shahr i Yarúshalam ke phir tamír hone, aur Masíh ke phir áne, aur Yarúshalam kī aḳhír halákat kī nisbat kaisí peshḳhabarí dí hai?

J. Us kī peshḳhabarían barí sihat ke sáth dí gaí hain. Us ne un májaron ke wáqí hone kī nisbat barason ke sattu hafte qarár diye the, (báb 9: 24--26 ;) kī sátt hafte yane uncháswen baras ke árese men yih shahr phir tamír kiyá jáegá ; básaṭh hafton, yane chár sau chauntís baras ke árese men Masíh áegá ; aur ek hafte ke árese men, yane apne kám ke shurú karne ke waqt se sárhe tinn baras ke árese men Masíh munqata kiyá jáegá.

S. 229. Dániel kī peshḳhabarí aur Mukáshafát kī kitáb kī nisbat kyá kahá gayá hai?

J. Yih, kī wuh ek dúsre kī sharh karte hain.

S. 230. In peshkhabaríon se dahríyon ke dil par kaisí tásír húí hai ?

J. Un kí takmíl se yá to unhon ne majbúr hokar us ke ilhám ká iqrár kiyá hai, yá unhon ne koshish kí hai ki sábit karen, ki yih peshkhabaríán un májaron ke wáqí hone ke bád likhí gáin.

S. 231. Nabíon ke sahífe kin kin hisson men taqsím kie gae hain ?

J. Nabí i kalán aur nabí i k̄hurd.

S. 232. Yasaiyáh, Yaramiyáh, Hizqíel aur Dániel nabí i kalán kyún kahláte the ?

J. Sirf is báis se ki un kí tasníf ká hajam ziyáda hai.

S. 233. Báqí bárah nabí, nabí i k̄hurd kyún kahláte hain ?

J. Is liye ki un kí tasnífát ká hajam bahut chhotá hai.

S. 234. Bábul kí asírí ke peshtar kin kin nabíon ne peshíngoí kí ?

J. Yúnah, Amús, Húsía, Yúel, Yasaiyáh, Míkáh, Nahúm, Zafaniyáh, Yaramiyáh, Habāqqúq aur Abadíyáh.

S. 235. Sattar baras kí asírí ke aiyám men kin kin nabíon ne peshíngói kí?

J. Yaramiyáh, Hizqíel aur Dáníel ne.

S. 236 Asírí ke bad kin kin nabíon ne peshíngói kí?

J. Hajjí, Zakariyáh aur Malákí ne.

S. 237. Kyá nabíon ke sahífe táríkhwár básilsile murattib húe hain?

J. Nahín.

S. 238. Kutub i Rabbání kí attháíswín kí-táb ká kyá nám hai?

J. Húsíá nabí kí peshkhabarí.

S. 239. Kaun kaun nabí Húsíá nabí ke ham-asar the?

J. Amús aur Yasaiyáh.

S. 240. Húsíá nabí kis zamáne men maujúd thá?

J. Masíh se áth sau das baras peshtar se leke, sát sau pachchís baras peshtar tak.

S. 241. Húsíá nám ke kyá maní hain?

J. Naját.

S. 242. Baibal ke aur kin kin námon ke mane *naját* hain?

J. Yashúa aur Yasú yane Ísá.

S. 243. Kin kin bádsháhon ke ásar men Húsía nabí ne peshíngói kí ?

J. Uzziyáh, Yútám, Akhaz aur Hizqiyáh bádsháhán i Yahúda, aur Yarúbiám sání sháh i Isráel ke áhd i tasallut men.

S. 244. Húsía nabí ká wálid kaun thá ?

J. Bairí.

S. 245. Wuh kabán rahtá thá ?

J. Sámariya men.

S. 246. Húsía ne kis bádsháhat kí nisbat peshkhabarí kí ?

J. Isráel kí bádsháhat kí nisbat, aur us ne is bádsháhat ko sirf Isráel hí ke nám se mu-laqqab na kiyá, par use Sámariya ká bhí laqab diyá, is báis se ki yih shahr us saltanat ká dár-ul-hukúmat thá.

S. 247. Húsía nabí ke íbárat ke tarz kí kyá khássíyat hai ?

J. Us kí íbárat berabt aur mukhtasar o bemel hai, táham us men aksar dardangezí aur sanjídagí pái játí hai.

S. 248. Is sahífe men kin k̄háss k̄háss mája-ron kī peshk̄habarī dī gaī hai ?

J. Das firqon kī parágandagī; Yahúdáh ká Sanheríb ke háth se riháí páná; Yahúdíon kī taklífát aur pastí, aur Masíh ke mátaht un ká Gair-qaumon ke sáth phir bahál honá; hamá-re K̄hudáwand ká Misr se buláyá jáná, (báb 11 : 1; bamuqábale Matí 2 : 15;) aur us ká tísre din jí uṭhná; (báb 6 : 2; bamuqábale 1 Kar. 15 : 4.)

S. 249. Kutub i Rabbání kī untíswín kitáb ká kyá nám hai ?

J. Yúel nabí kī peshk̄habarī.

S. 250. Us kī peshk̄habaríon kī kyá man-shá hai ?

J. Wuh k̄haufnák ʔdálaten jo us zamín par ánewálí thín, yāne ṭiddí aur k̄hushkī kī áfat; wuh jalálí waqt jo Injíl ke nizám ke taht men ánewálá thá; aur wuh rást ʔdálaten jo K̄hudá ke aur us kī kalísyá ke dushmanon par názil honewálí thín.

S. 251. Yúel nabí kī peshk̄habarī men kaun sí peshíngoí ajíb hai ?

J. Wuh jo Patras hawárí ne Pantíkost ke din manqúl kī. (Aṁmál 2 : 14, 21, aur 28 se 32 áyat tak, aur Rúm : 10 : 12 se 17 áyat tak.)

S. 252. Yúel nám ke kyá maṇe haiṇ ?

J. "Jis ká Kḥudá Kḥudáwand hai."

S. 253. Us ne kis zamáne meṇ peshíngoí kī ?

J. Is ká sahíh hál maḷúm nahíṇ, par aglab hai ki Masíh se áṭh sau das se, sāt sau pachchís baras peshtar ke andar andar yih sahífa qalam-band huá. Aglab hai ki wuh Ḥmús aur Yasáiyáh ká haṁasar thá, aur us ne Uzziyáh bádsháh ke aḥd i saltanat meṇ Yahúdáh kī bádsháhat kī nisbat peshḥabaráí dí.

S. 254. Us ke báp ká kyá nám thá ?

J. Fatúel, aur wuh Rúbín ke firqe meṇ se thá. Is ke siwá us ká zátí ahwál bahut kam maḷúm hai.

S. 255. Us kī tasníf kī íbárat meṇ kyá kḥúbí hai ?

J. Us kī íbárat baṛe zor shor kī aur baṛí dardmand hai, aur us kī sháṛí bahut umda aur sanjída hai.

S. 256. Kutub i Rabbání kí tíswhí kitáb
ká kyá nám hai ?

J. Amús nabí kí peshkhabarí.

S. 257. Is nám ke kyá mane haiñ ?

J. Amús ke maní “bojh” ke haiñ.

S. 258. Us ne kis zamáne men peshkhabarí
dí ?

J. Masíh se áth sau baras peshtar se, sát sau
pachás baras qabl ke andar andar men. Wuh
Yasayáh aur Húsíá nabí ká hamasár thá. Hú-
síá kí mánind wuh Uzziyáh aur Yarúbiám sání ke
ahd i tasallut men das firqon kí nisbat peshkha-
barí karne ko un ke darmiyán bhejá gayá thá.

S. 259. Amús nabí kaun thá ?

J. Wuh Tuqúa ká báshinda thá, aur galla-
bání kartá aur gúlar ke darakht ká bág rakhtá
thá. Tuqúa kí bastí Yarúsalam kí dakhin simt
ko wáqí hai, (7 : 14.)

S. 260. Gúlar ká wuh darakht jo Pák kitáb-
on men mazkúr huá hai, Angrezí gúlar ke
darakhton se mushábih hai ?

J. Nahín, use Misrí Anjír ká darakht bhí
kahte the.

S. 261. Us ká phal kaisá thá ?

J. Wuh insán o haiwán donon kǐ gizá thǐ.

S. 262. Kyá us kǐ lakrǐ bahut mazbút hotǐ thǐ ?

J. Hǎn ; bǎz bǎz Misrǐ tábút tǐn hazár baras bǎd jyún ke tyún páe gae hǎn.

S. 263. Us kǐ peshkhabarǐ kǐ kyá manshá hai ?

J. Us ne Arám, aur Filistiya, aur Súr o Adúm aur Amún kǐ nisbat ʿadálaton ke ná-zil hone kǐ khabar dí ; aur misl aur nabíon ke us ne Isráel kǐ asírǐ aur un kǐ parágandagǐ ; aur un kǐ parágandagǐ ke darmiyán un kǐ ʾaláhida ummat rahná ; aur Masíh kǐ bád-sháhat kǐ ámad ; aur ʿGair-qaumon kǐ Masíh kǐ taraf phiráyá jáná ; aur kalísyá kǐ ákhirǐ fathyábǐ kǐ nisbat peshkhabarián kahǐ hǎn.

S. 264. Us ke bǎz bǎz bayánon kǐ nisbat kyá kahá gayá hai ?

J. Yih kǐ, kǐsǐ dúsre nabǐ ne na to Kḥudá kǐ us kǐ sí shán ke sáth bayán kiyá hai, aur na is kǐ mánind kǐsǐ dúsre ne sanjídagǐ ke sáth nafs-paraston ko dǎntá, aur is se ziyáda-

tar sargarmí aur gazab i rahm-ámez ke sáth kisé ne beinsáfi aur zulm par ilzáam nahín lagáyá.

S. 265. Amús ko kis ne satáyá, aur Isráel kí bádsháhat par ádalaton ke názil hone kí peshkhabarí ke báis se kis ne use Baitel se nikál diyá?

J. Butparast káhin Amáziyáh ne, jis ke iḡhtiyár men ek sone ká bachhrá thá, jise Yarúbám ne wahán nasab kiyá thá. Wuh Baitel se Tuqúa ko gayá.

S. 266. Lafz Baitel ke kyá mane hai?

J. "Ḳhána i Ḳhudá," yá "Ḳhudá ká ghar."

S. 267. Is jagah ká nám Baitel kis ne rakhá?

J. Yaqúb ne; bad us ke ki us jagah par us ne wuh khwáb dekhá, jis ká zikr Paidáish kí kitáb men huá hai.

S. 268. Amús nabí ne is jagah ká kyá nám rakhá?

J. Baitawan, yane butparastí ká ghar.

S. 269. Kutub i Rabbání kí iktíswín kitáb ká kyá nám hai?

J. Abadiyáh nabí kí peshkhabarí.

S. 270. Is kí peshkhabarí kí kyá manshá hai?

J. Us men Adúmíon yane Esau kí aulád kí halákat kí peshkhabarí aur is bát ká tazkira hai, ki Kḥudá ke log qataṇ munqata na honge.

S. 271. Kaun kaun nabí Abadiyáh ke ham-
asar the?

J. Yaramiyáh, Hizqiel, aur Dániel.

S. 272. Abadiyáh nabí kí peshkhabarián kin kin nabíon kí peshkhabaríon se miltí hai?

J. Dekho Amús 1 : 11 ; Yar. 49 : 22 ; Hiz. 25 : 12—14 ; aur Zab. 137 : 7.

S. 273. Lafz i Abadiyáh ke kyá mane hai?

J. “Kḥudáwand ká Kḥádim.”

S. 274. Is kitáb ká kyá laqab hai?

J. Abadiyáh ká Rúya.

S. 275. Puráne Ahd-náme kí sab se chhoṭí kitáb kaun sí hai?

J. Abadiyáh nabí kí ; is kitáb men sirf ek hí báb hai, aur us men kull ikkís áyaten hai.

S. 276. Us ne Masíh se kitne baras áge peshkhabarí kí thí?

J. Masíh ke qabl pánch sau ninnánwe se, pánch sau tirásí baras tak ke arse men.

S. 277. Mulk i Idúmíá kahán hai?

J. Yih mulk Bahíra i Lút ke dakhan wáqí hai, aur us kí wasaʔat Bahíra i Lút se Kḥalíj i Akába tak hai, Kḥalíj i Akába jo Lál Samundar yaṇe Daryá i Qulzum ká mashriqí gosha hai.

S. 278. Is mulk ká nám Ḑdúm yá Idúmí-áh kyún kahláyá?

J. Ḑdúm Esau ká dúsrá nám thá, aur is báis se ki Esau kí aulád wahán basí, us mulk ká nám us ke nám par Ḑdúm pará.

S. 279. Is mulk ká ab kyá hál hai?

J. Wuh ab ujār aur wírán pará hai, aur hál ke saiyáhon ke bayán se is peshḵhabarí kí sadáqat hotí hai.

S. 280. Kutub i Rabbání kí battíswín kitáb ká kyá nám hai?

J. Yúnáh nabí kí peshḵhabarí.

S. 281. Is kitáb ká kyá mazmún hai?

J. Wuh Nínawah ke baṛe shahr kí nisbat Yúnáh ká paiyám hai, aur wuh paiyám yih

hai, ki agar wuh apne gunáhon se tauba na karen, to tabáh ho jáenge.

S. 282. Is kitáb men peshkhabarí hí hai, yá us men tawárikh kí bhí sifat páí játi hai?

J. Us men ziyádatar tawárikhí báten mun-darj hain, aur sirf ek hí peshkhabarí us men miltí hai.

S. 283. Wuh kyá peshkhabarí hai?

J. Yih ki Chálís din ke बाद Nínawah ulaṭ diyá jáegá.

S. 284. Is kitáb ke tawárikhí hisson ká kyá mazmún hai?

J. Yúnáh kí náfarmání; us ajíb taur ká tazkira jis se Kḥudá ne Yúnáh se tauba karwái aur us se farmánbardarí iḥhtiyár karwái; Nínawah ke logon ká táib honá, aur un ká áyanda áfat se bachná; Yúnáh kí náummedí un kí rihái ke báis se; aur un ká Kḥudá kí taraf se wájibí dhamkí pákar us kí barí rahmat kí nisbat tajriba uṭháná.

S. 285. Kis bát men Yúnáh Masíh ká ni-shán thá?

J. Is bát men ki jis tarah wuh tín din aur

tín rāt machhlí ke shikam men rahá, usí tarah Ibn i Ádam tín rāt din zamín ke andar thá.

S. 286. Yúnáh kí risálat i nabawí men kaun sí bát ajíb thí?

J. Wuh Gair-qaum ke liye nabí húa. Chunnáñhí wuh aur nabíon kí mánind Isráel yá Yahúdáh ke firqon ke pás bhejá na gayá, par Nínawah shahr ko, jo us zamáne men bahut mashhúr o marúf jagah thí, aur shahr i Bábul se bahut barí thí.

S. 287. Yúnáh nabí ne kis zamáne men peshkhabarí kí?

J. Agarchi us ká sahífa ambiyá i sagír ke silsile men páñchwán qarár diyá gayá hai, lekin jitne nabíon ke sahífe barqarár hain, un sab se yih sahífa qadímtar hai. Us ne Yarúbiám sání ke zamáne men yane Masíh ke qabl áth sau chappan se, sāt sau chaurásí tak men peshkhabarí dí. (Dekho 2 Sal. 8 : 12 ; 10 : 32 ; 14 : 25.) Húsíá, Yúel aur Amús us ke hamásar the.

S. 288. Us kí paidáish kahán kí thí?

J. Wuh Galíl ke súbé aur Gáthhefer kí bastí men paidá húa.

S. 289. Yúnáh ke báp ká kyá mán thá ?

J. Amittai.

S. 290. Is sahífe se hamen kin kin báton kī talīm miltī hai ?

J. Yih ki Kḥudá táib gunahgáron ko mu-
āf karne ke liye taiyār hai, jaisá ki Nínawah
ke logon ke hál se áshkára hai ; ki náfarmání
barī himáqat hai, jaisá ki Yúnáh nabí ke hál
se záhir hai ; Kḥudá ká sabr Yúnáh nabí ke
purgunáh kuḥkuraṇe kī nisbat ; aur us ká
jánwaron par bhī tawajjuh karná ; chunānchi
Nínawah ke bachāne kī ek wajah yih bayán kī
gaí hai, “ ki us men bahut maweshí the.”

S. 291. Nínawah kis mulk ká dār-us-salta-
nat thá ?

J. Asúr ke mulk ká.

S. 292. Nínawah ká shahr kahān wáqī thá ?

J. Daryá i Dijla ke púrab simt ko Mosal kī
bastí ke muqábil men.

S. 293. Is shahr ke túl o arz ká tawaríkh-
on men kyá bayán húá hai ?

J. Ki yih shahr unnís mīl lámbá aur gyá-
rah mīl chaurá, aur sáth mīl ke girde men

thá. Us kí díwáren sau fuṭ úṇchí aur itní chau-
rí thín ki us par tín gáṛián barábar daur saktí
thín. Is shahr-panáh men ek hazár pāṇch
sau burj the, jin kí balandí do do sau fuṭ kí
thí.

S. 294. Is shahr ke pate ke kaun se nishán
báqí the ?

J. Thoré se ṭíle jin par wíráne ká mutlaq
nám tak na thá. Wuh shahr zer i zamín ho
gayá thá.

S. 295. In ṭílon men filhál kaun sí chízen
dastyáb húi hai ?

J. In ṭílon ke khodne se Nínawah shahr ká
ḵharába tah men páyá gayá hai. Bahut sí
taswíren aur kanda kíe húe patthar nikál ke
England aur Amerícá ko bhej díe gae hai.
Un ke kanda hurúf men Yúnáh nabí ká nám
bhí páyá gayá hai.

S. 296. Kutub i Rabbání kí taintíswín ki-
táb ká kyá nám hai ?

J. Míkáh nabí kí peshḵhabarí.

S. 297. Yahúdáh ke kin kin bádsháhon ke
ḁhd men us ne peshḵhabarí kí ?

J. Yútám, Aḳhaz, aur Hizqiyáh bádsháhon ke zamáne meṇ.

S. 298. Kaun kaun nabí Míkáh nabí ke hamāsar the ?

J. Yasaiyáh, Húsíá aur Nahúm.

S. 299. Is peshḳhabarí meṇ kitná zamána mushtamal hai ?

J. Qaríb pachás baras ká zamána.

S. 300. Is kí peshḳhabarí kí kyá táríḳh hai ?

J. Masíh ke qabl sāt sau aṭṭhāwan aur chha sau ninnánwe ke andar.

S. 301. Wuh kahán paidá huá ?

J. Gáth ke Maurastí meṇ.

S. 302. Us ne kis kí nisbat peshḳhabarí dí ?

J. Yahúdáh aur Isráel donoṇ bádsháhaton kí nisbat.

S. 303. Is kitáb ká kyá mazmún hai ?

J. Shalmenezar aur Senharib bádsháhon kí yúrishen; nabúwat ká mauqúf honá; Aورشalím aur Asúr kí halákat, aur Masíh kí ámad, Míkáh nabí kí peshíngoíán Masíh kí

nisbat bahut hí sáf haiñ ; us ne Masíh kí já i tawallud, aur us kí ulúhíyat, aur us kí chál o tásír ká bayán kiyá hai. Chunáñchi is kitáb ke chauthé báb kí dúsrí aur sátwíñ áyatón ká Lúká 1 : 33 ke sáth ; aur páñch báb kí páñchwíñ áyat ká Afs. 2 : 14 ke sáth ; aur sáth báb kí aṭháraḥ aur bís áyatón ká Lúká 1 : 72 aur 73 ke sáth muqábila karne se sáf záhir ho jáegá.

S. 304. Us kí ek peshḡhabarí se Yaramiyáh nabí ko kyá fáida húá ?

J. Us se us kí ján bach gaí.—(Dekho 3 : báb 12 áyat, bamuqábile (Yar. 26 : 18—24.) Is sabab se ki Yaramiyáh ne haikal kí wírání kí ḡhabar dí thí, log us ke qatl par ámáda the, aur use beshakk qatl karte, agar wuh is bát ko sábit na kartá ki qabl is ke Míkáh nabí ne sau baras peshtar isí muqaddame men peshín-goí kí thí.

S. 305. Pák Kalám men us kí maut kí nisbat kyá ḡhabar hai ?

J. Dekho Yaramiyáh 26 : 18 aur 19 áyat-en.

S. 306. Kutub i Rabbání kí chauntíswín
kitáb kyá hai ?

J. Nahúm nabí kí peshkhabarí.

S. 307. Us kí peshkhabarí ká kyá kháss
mazmún hai ?

J. Nínawah ke azím-us-shán shahr kí halá-
kat.

S. 308. Yúnáh nabí ke Nínawah ke paigám
pahuncháne ke kitne din बाद Nahúm nabí ne
us kí halákat kí khabar dí ?

J. Anqaríb sau baras बाद.

S. 309. Kyá yih peshkhabarí púrí húi ?

J. Hán ; wuh beainihí púrí húi.

S. 310. Nahúm nabí kí peshíngoí karne ke
kitne din बाद yih peshkhabarí púrí húi ?

J. Sau baras बाद.

S. 311. Kyá us kí halákat kámil húi ?

J. Hán ; yahán tak ki saikaron baras us ke
wíráne tak ká patá na thá.

S. 312. Nínawah ká shahr kab gárat húá ?

J. Masíh se chha sau pachís baras áge, Síák-
zarís auwal aur Nabopolásar ne is shahr ko
gárat kiyá.

S. 313. Nahúm nabí ne kab peshkhabarí kí?

J. Masíh se sát sau bís baras peshtar se leke chha sau atthánwe tak.

S. 314. Lafz Nahúm ke kyá mañe haiñ?

J. "Tasallí."

S. 315. Is ká ahwál kahán tak mañúm hai?

J. Us ká ahwál sirf isí qadr mañúm hai, ki wuh suba i Galíl ke ek gáon Elkosh ká báshinda thá, aur Yahúdáh men peshíngoí kartá thá.

S. 316. Kutub i Rabbání kí paintíswín kitáb ká kyá nám hai?

J. Habaqqúq nabí kí kitáb.

S. 317. Is kitáb men kin kin báton kí peshkhabarí mundarj hai?

J. Yahúdiya ke Kasdíon se maftúh hone, Bábul kí saltanat ke tah o bálá hone, aur Kḥudá ke wafádár logon kí ákhirí rihái kí peshkhabarían is kitáb men marqúm haiñ.

S. 318. Kaun sí qaum das firqon ko asír kar le gaí?

J. Asúrí.

S. 319. Asúríon kí tabáhí kí peshkhabarí kis nabí ne dí?

J. Nahúm nabí ne.

S. 320. Báqí do firqon ko kaun sí qaum asír kar le gaí?

J. Kasdí.

S. 321. Kasdíon kí tabáhi kí peshkhabarí kis nabí ne dí?

J. Habaqqúq nabí ne.

S. 322. Kaun nabí Habaqqúq ká hamasar thá?

J. Yaramiyáh nabí.

S. 323. Habaqqúq nabí kí peshkhabarí ká kyá zamána thá?

J. Masíh se chah sau bárah baras peshtar se, páñch sau atthánwe sál qabl tak. Us kí táríkh sahíh málúm nahín ho saktí.

S. 324. Us ká ahwál kahán tak málúm hai?

J. Us kí tawáríkh ká hál mutlaq hí málúm nahín. Us kí nisbat riwáyaten bahut sí hain, lekin un men íkhtiláf hai, aur wuh iatibár ke qábil nahín.

S. 325. Us kí íbárat ke tarz kí nisbat kaisá gumán hai?

J. Us kí íbárat shájrána sifát se pur hai, aur báz báz hisse sanjídagí aur dilsozí men lásání hai.

S. 326. Us ne apní peshkhabarí ko kis taur par khatm kiyá hai?

J. Duá ke sáth, jo tísre báb men mundarj hai, aur aksar athárahwín aur arsaṭhwín Zabúron se mushábih kí gáí hai.

S. 327. Kutub i Rabbání kí chhattíswín kitáb ká kyá nám hai?

J. Safaniyáh nabí kí peshkhabarí.

S. 328. Us kí peshkhabarí kí kyá kháss manshá hai?

J. Yih kí tahdíd kí húi ádalaton ke khauf se Yahúdí qaum se tauba karáe.

S. 329. Wuh tahdíd kí húi ádalat kyá thí?

J. Kasdion kí charháí.

S. 330. Kyá us ne aur aur qaum kí ádalaton kí nisbat bhí peshkhabarí dí hai?

J. Hán; un qaumon kí nisbat jinhon ne Isráelion ko musíbat men mubtila kiyá, aur jo un kí musíbat par khush húa.

S. 331. Us ne apní peshkhabarí ko kis tarah se khatm kiyá hai?

J. Injílí zamáne kí nisbat, aur kalísyá kí barí iqbálmandí kí nisbat peshkhabarían dene se.

S. 332. Wuh kis ke zamáne men maujúd thá?

J. Yúsiyáh ke ahd i saltanat men.

S. 333. Wuh kis nabí ká hamasar thá?

J. Yaramiyáh nabí ká; aur us kí nabúwat kí ibtidá men maujúd thá.

S. 334. Kyá Safaniyáh ne apne báp ká nám mazkúr kiyá hai?

J. Hán; us ke báp ká nám Kúshí thá, aur us ne apne pushtnáme ká chár pusht áge tak hawála diyá hai.

S. 335. Lafz Safaniyáh ke kyá mane hai?

J. “Khudáwand kí hifázat.”

S. 336. Us ne Masíh se kitne baras áge peshíngói kí?

J. Chha sau chálís se, chha sau nau tak.

S. 337. Kutub i Rabbání kí saintíswín kítáb ká kyá nám hai?

J. Hajjí nabí kí peshíngoí.

S. 338. Hajjí ne kis zamáne men peshíngoí kí?

J. Bad asírí ke; Masíh se páñch sau bís baras áge se, páñch sau aṭháraḥ tak ke arse men.

S. 339 Is kitáb men kaun kaun báten darj hai?

J. Sakht dhamkián, aur muhabbat-ámez nasíhaten dúsrí haikal kí tamír kí nisbat.

S. 340. Kyá us ne haikal ká banána mauqúf kar diyá thá?

J. Hán; us ká kám chaudah yá pandrah baras tak mauqúf rahá.

S. 341. Is kí wajah kyá thí?

J. Dushmanon kí muḥhálifat aur sázish.

S. 342. Hajjí nabí ne kis azím aur mufíd májare kí peshkhabarí dí hai?

J. Masíh kí ámad, aur us kí saltanat kí taqarrurí kí.

S. 343. Kyá yih bát likhí thí, ki is dúsrí haikal ká jalál pahle se baṛhkar hogá?

J. Hán; dústre báb kí nauwín áyat ko dekho.

S. 344. Jab un buzurgon ne jinhon ne pahlí haikal ko dekhá thá, is dúsrí ko dekhá, to in ke dil par kaisá sadma guzrá?

J. Wuh us ko pahlí se haqír samajhke us par ro díe.

S. 345. Kis amr ne is dúsrí haikal ko pahlí se ziyádatar jalál bakhshá?

J. Is ká jawáb dústre báb kí sátwín áyat men miltá hai: "Sárí qaumon ká matlab bar áegá, aur main (yañe Masíh) is ghar ko jalál se bhar dúngá, Rabb-ul-afwáj farmátá hai."

S. 347. Kyá Masíh is haikal men áyá?

J. Hān; balki us ne us men talím bhí dí.

S. 347. Kyá Yahúdion ko yih ummed thí ki haqíqí Masíh is haikal men zāhir hogá?

J. Hān; un ká yih khyál qáim rahá, jab tak ki Vespeshían sháh i Rúm ne use bilkull nest na kar dālā.

S. 348. Hajjí nabí kis zamāne men paidá húa?

J. Aiyám i asírí men, aur Zarúbábul ke hamráh Aurshalím ko áyá.

S. 349. Us ne kis ke zamáne men peshíngoí kí?

J. Sháh i Írán Dárá Gustasp ke aiyám men.

S. 350. Kitne arse men us ne peshíngoí kí?

J. Chár mahíne men.

S. 351. Hajjí nabí ká hamásar kaun nabí thá?

J. Zakariyáh nabí.

S. 352. Zarúbábul, jis ke hamráh Hajjí nabí Aurshalím ko áyá, kaun thá?

J. Azrá nabí kí kitáb ke 1 : 8 áyat men us ká zikr banám “Sheshbázár, sháh i Yahúdáh” húá hai. Wuh Dáúd ke bádsháhí khándán se thá, aur Yahúdión kí pahlí guroh ká, jo asírí se Bábul ko laut áe, sardár thá.

S. 353. Kyá Zarúbábul ká hamáre Munjí ke ajdád men mazkúr húá hai?

J. Hân ; dekho Matí 1 : 12.

S. 354. Haikal ke pák zurúf Aurshalím men láne ke liye kis ne us ko supurd kiyá?

J. Khusro bádsháh ne.

S. 355. Us ne Aurshalím men kyá kiyá ?

J. Us ne haikal kī bunyād dālī, aur is hī kī saī se Yahūdīon ke rasúmāt i dīnī phir bahāl kiye gae.

S. 356. Kutub i Rabbānī kī aṭṭīswīn kitāb kyā hai?

J. Zakariyāh nabī kī peshkhabarī.

S. 357. Is kī peshkhabarī kī khāss manshā kyā thī?

J. Is peshkhabarī kī garz yih thī ki Yahūdīon kī qawānīn ke phir bahāl karne men un ko targīb mile.

S. 358. Is kitāb men Masīh kī nisbat kyā kyā ishāre milte hain?

J. Masīh kī ulūhiyat kā ishāra, 2 : 10, 11 ; hamāre Khudāwand kā Aurshalīm men sawār jānā, bāb 9 : 9 āyat. Us naqd kā jis ke liye Masīh pakarwāyā gayā, bāb 11 ; 12, 13, āyaten ; hamāre Munjī ke pahlū kā chhedā jānā, bāb 12 : 10 āyat ; mujassamīyat ke wasīle kafāra, bāb 13 : 7 āyat ; shāgirdon kā Masīh ko chhor bhāgnā ; aur Masīh ke tamām jahān par hukmrānī karne ke jalāl kā ishāra.

S. 359. Kyá Zakariyáh nabí ká Puráne Ahd-náme men kahín tazkira huá hai?

J. Hân; us kí nabúwat aur us kí súdmandí ká tazkira Azra ne, báb 5 : 1 aur 2 áyat; aur báb 6 : 14 áyat men kiyá hai.

S. 360. Zakariyáh nabí kis zamáne men maujúd thá?

J. Wuh Hajjí nabí ká hamasár thá, aur us ke aur Zarúbábul ke hamráh Aurshalím ko laut áyá.

S. 361. Kyá us ne Hajjí nabí ke sáth sáth peshíngói kí?

J. Us ne do mahína bad un ko shurú kiyá, lekin bahut din tak peshkhabarí kartá rahá, aur ziyáda likhá, aur us kí peshkhabarián khashskar Masíh se iláqa rakhtí hai.

S. 362. Us ne kis ke ahd i saltanat men peshkhabarí kí?

J. Dára Gustasp sháh i Írán ke zamáne men.

S. 363. Us ke báp aur us ke dádá ká kyá nám thá?

J. Us ke báp ká nám Barákiyáh thá, aur us ke dádá ká nám Ídú thá.

S. 364. Zakariyáh nabí kí maut ke taur ká tazkira kahín Injíl men bhí húa bai ?

J. Hân ; hamáre Munjí ne Yahúdión kí sa-záwárí, aur un ádálaton ke mazkúr men jo un par ánewálí thín yún kahá, “ Táki sab rástbáz-on ká khún, jo zamín par baháyá gayá, tum par áe, Hábil rástbáz ke khún se Barakhiyáh ke beṭe Zakariyáh ke khún tak, jise tum ne haikal aur qurbángáh ke darmiyán qatl kiyá.” Matí 23 : 35.

S. 365. Zakariyáh nabí ne Masíh se kitne áge nabúwat kí ?

J. Páñch sau bís se, páñch sau baras pesh-tar tak.

S. 366. Kutub i Rabbání kí untáliswín kitáb ká kyá nám hai ?

J. Maláki nabí kí peshkhabarí, yih sahífa Puráne Ahd-náme kí kitábon men aḵhír sahífa hai.

S. 367. Is kitáb ká kyá mazmún hai ?

J. Is men Yahúdión ke gunáhon aur un kí nádání, khásskar káhinon kí badí kí nisbat saḵht malámat miltí hai ; aur Masíh kí ámad

ká niháyat dil-kash bayán, aur Masíh ke pesh-rau Yúhanná Baptismá denewále kí manádí kí peshkhabarí mundarj hai ?

S. 368. Maláki nabí ne Yahúdíon kí malá-mat kis liye kí ?

J. Hajjí aur Zakariyáh nabíon ne haikal kí tamír men takhír kí nisbat malámat kí, aur Maláki nabí ne un kí is liye malámat kí, ki haikal ke tamír hone ke bad log us se gáfil ho gae, aur unhon ne haikal kí ibádat ko najis kar dála.

S. 369. Us ne un logon ko kis bát kí nasíhat dí ?

J. Músá kí Tauret ke parhne; aur Masíh ke peshrau Iliyás ke áne, aur kisi nabí kí intizárí na karne kí nisbat. (4 báb 4, 5 áyat ba-muqá-bila Matí 11 : 14.)

S. 370. Kyá Maláki ke bad aur Yúhanná Baptismá denewále se peshtar koí nabí húá ?

J. Nahín.

S. 371. Maláki nabí kis ká hamasár thá ?

J. Nahamiyáh nabí ká.

S. 372. Us ne Masíh ke kitne baras peshtar peshíngóí kī?

J. Chár sau chhattís se, tīn sau sattánwe baras peshtar tak.

S. 373. Is nabí ká hál kahān tak mālúm hai?

J. Us ke nám ke siwá us ká aur kuchh hál mālúm nahín hai.

S. 374. Malákí nám ke kyá mane hai?

J. "Merá firishta, yá merá qásid."

PURÁNE AHD-NÁME KE SAHÍFON KÁ

ṚHÁTIMA.



SUWÁL O JUWÁB

DAR BÁB

SAHÍFAT KUTUB I RABBÁNÍ.

~~~~~  
NAE AHD-NAME KA TAZKIRA.  
~~~~~

S. 1. Nae Ahd-náme meṇ kitnī kitāben
hain ?

J. Sattáís kitāben.

S. 2. Pahlí kitāb ká kyá nám hai ?

J. Matí kí Injíl.

S. 3. Lafz Injíl ke kyá maṇe hain ?

J. Kḥushí kí khabar.

S. 4. Kai Injílen hain ?

J. Chár ; go filhaqíqat ek hí Injíl hai. Inhen
chár shakhson ne likhá hai, is báis se chár hain.

S. 5. Injíl-nawís aur kis nám se mulaqqab
kie gae hain ?

J. Injíl ke Mubashshir.

S. 6. Mubashshir ke kyá maṇe hain ?

J. Kḥushí kí bashárat denewále.

S. 7. Kaun sí khushí kī bashárat unhon ne dí?

J. Naját kī bashárat Masíh ke wasíle se.

S. 8. Yih Injíl kab likhí gaí?

J. San Íswí bayálís ke qaríb qaríb.

S. 9. Yih Injíl khásskar kis ke liye likhí gaí?

J. Agarchi wuh sáre ádmíon ke liye likhí gaí, par kháss taur par Yahúdíon ke liye raqm húi.

S. 10. Matí kī Injíl aur aur Injíl-nawíson men kyá farq hai?

J. Matí kī Injíl men Puráne Ahd-náme kī áyaten bahut páí játí hain.

S. 11. Kyá Matí kī Injíl men kisé aise májare ká zikr húa hai, jis ká tazkira aur Injíl-nawíson ne nahín kiyá?

J. Hán; Yúsuf ká khwáb; Majúsíon ká Yarúsalam men áná; Misr men bhág jáná; Másúmon ká Herodís se qatl karwáyá jáná; hamáre Khudáwand kī we báten jo pánychwen báb kī terahwín áyat se chálíswín áyat tak men manqúl hain, aur chhathe báb ká kull

mazmún; tamsílen karwe dánon kí, ganj i maḡhfí kí, motí i garán-máya kí, aur samundar men phenke gae jál kí; Masíh kí talím jo us ne apne bárah hawáríon ko dí, jis ká zikr daswen báb kí solahwín áyat se báb ke aḡhír tak men húá hai; wuh bayán jis ká tazkira aṡháraḡwen báb daswín se pachíswín áyat tak men húá hai; tákistán men ke mazdúron kí tamsíl, aur Bádsháh ke beṡe kí shádí kí tamsíl; teíswen báb ká mazmún terahwín áyat se báb ke ḡhátime tak; aur bhí wuh bayán jo ikkíswen báb kí tetálíswín áyat se shurú ho-
kar pachíswen báb tak men mundarj hai, jis men das kunwáríon, aur páneh toṡon kí tamsíl mushtamal hai, aur aḡhír aḡálat ká bayán; qabr par patthar ke úpar muhr kiyá jáná, pahre ká biṡháya jáná; aur Masíh ke jí uṡhne ke baḡ pahrewálon ko rishwat dená.

S. 12. Yih Injíl kis zubán men likhí gaí?

J. Yúnání men; par baṡon ká yih gumán hai, ki Matí ne us ká tarjuma Ibrání men kiyá.

S. 13. Kyá Nae aur Puráne Ahd-náme kí kitáben ek dúsre ko sábit aur har ek kí sharh kartí haiñ?

J. Hāñ; Nae Ahd-náme kí tawáríkh ká umdatarín mazmún, yāne hamāre shafīa aur us kí bādsháhat aur naját ká tazkira, Puráne Ahd-náme kí peshkhabarí aur waḍon o alámat-on ká sahíh jawáb hai.

S. 14. Jab Nae Ahd-náme ke muallifon ne puráne Ahd-name se áyaten manqúl kíñ, aur us ke hawále diye, to un ká us kí nisbat kyá gumán thá?

J. Un ká yih gumán thá ki wuh Ilhám i Iláhi se likhá gayá; aur wuh use “saḡhun i Kḡhudá,” aur aisá kalám samajhte the “jo hargiz bátil nahín ho saktá.”

S. 15. Kyá Nae Ahd-náme ke wahí hone ká ḍawa sirf Puráne Ahd-náme kí gawáhi aur un daláil par jo us ke sabút ke liye pesh kie gae haiñ, mauqúf hai?

J. Nahín; par harchand hamāre Munjí aur us ke hawáron ne qadím Pák nawishtaját kí taraf rujú karke sábit kiyá, ki “Yún hí likhá

hai, aur yúnhí honá zarúr hai,” táham unhon ne apní talím kí subút men alániya barí barí jamáaton ke sámhne mújize kiye.

S. 16. Kyá Nae Ahd-náme ke muallif apná aur aur hawáríon ká mulham honá bayán kar-te haiñ ?

Háñ ; dekho Róm. 10 : 14, 17 ; 16 : 25, 26 ; 1 Kar. 1 ; 21 : 2 : 7, 10 ; 7 : 40 ; Afs. 3 : 3, 5 ; 1 Thas. 2 : 13 ; 2 Pat. 3 : 15, 16 ; 1 Yúh. 4 : 6.

S. 17. Agar unhen ilhám na hotá to kyá un kí talífát hamáre ímán aur istimál ká qá-nún ho saktíñ ?

J. Nahíñ.

S. 18. Matí Rasúl kaháñ paidá húá ?

J. Galíl men.

S. 19. Jab hamáre Munjí ne use apní pai-rawí karne ke liye buláyá, us waqt wuh kyá pesha rakhtá thá ?

J. Wuh Mahsúl-lenewálá thá.

S. 20. Sardár Mahsúl-lenewálon kí kyá sifat thí ?

J. Wuh sáhib i iatibár aur iqtidár the.

S. 21. Aḡmm mahsúl-lenewálon kí kyá sifat thí?

J. Wuh apne zulm aur gazab ke liye nám-zad the.

S. 22. Yahúdí un se kis tarah pesh áte the?

J. Wuh na to unhen haikal aur na ibádat-gáhon men dáḡhil hone dete, na unhen aḡmm duáon men sharík karte, aur na aḡdálat-gáhon men un kí gawáhí lete.

S. 23. In donon men se, Matí kis qism ke mahsúl-lenewálon men thá?

J. Wuh aḡmm darje ke mahsúl-lenewálon men se thá.

S. 24. Jab wuh apne shafíā se wáqif huá to us ne kyá kiyá?

J. Us ne us ke liye ek ziyáfat kí, aur khi-ráǵgíron aur gunahgáron kí us kí muláqát karne ke liye dāwat kí, is matlab se kí wuh bhí use pahcháne aur us se muhabbat rakhen.

S. 25. Us ne baḡd is ke kyá kām iḡhtiyár kiyá?

J. Wuh bárah rasúlon ke shumár men dá-ḡhil ho gayá.

S. 26. Matí ká aur bhí koí nám thá ?

J. Hám; wuh Halfá ká beṭá Lewí bhí kah-látá thá. Aglab hai ki us ne Matí nám us waqt páyá, jab ki us ne Rúmí hákim kí taraf se uḥda páyá.

S. 27. Matí kí wafát ke waqt, aur muqám, aur taur ká kuchh sahíh hál maḷúm hai ?

J. Nahín.

S. 28. Nae Aḥd-náme kí dúsri kitáb kyá hai ?

J. Markas kí Injíl.

S. 29. Yih Injíl kab likhí gaí ?

J. San I'swí arhtálís aur painsaṭh ke dar-miyán. .

S. 30. Kyá Markas kí Injíl Matí kí Injíl se mushábihat rakhtí hai ?

J. Hám; yahán tak kí bāze use Matí kí Injíl ká iḡhtisār samajhte haiṇ.

S. 31. Kin kin wajhon se gumán ho saktá hai, ki yih Injíl Matí kí Injíl ká iḡhtisār nahín hai ?

J. In wajhon se ki Markas ne na sirf Matí ke bayán ke muqábil men bahut sí báten nikál

ḍálí haiṇ, balki bahut kuchh ziyáda bhí likhí haiṇ, aur ḅaz ḅaz muḅizon ká ḅarí safáí se aur ḅarí tafríq ke sáth bayán kiyá hai.

S. 32. Kyá us ne koí aise májre likhe haiṇ jin ká aur Injíl-nawíson ne tazkira nahín kiyá?

J. Hán; Dikápolis meṇ ek gúnge, bahre shaḅhs ká sihat páná; un logon meṇ se jo Súr aur Saidá se Masíh ke pás áe the, bahuton ká shifá páná; bíj kí tamsíl, jis ká tazkira Markus 4 : 26—30 meṇ húá hai; Baitsaidá ke andhe ká bíná honá; aur donon Mariyamon ká Masíh ke jism par malne ke liye masálih kharídná.

S. 33. Kyá Markas Rasúl thá?

J. Nahín.

S. 34. Kyá Injíl ke báqí muallif sab Rasúl the?

J. Nahín; Lúká Rasúl na thá.

S. 35. Kyá logon ká yih gumán thá, ki Markas sattar shágirdon meṇ se thá?

J. Hán.

S. 36. Kyá in sattar shágirdon ko Masíh ke hál se wáqif hone kí baḅhúbí muhlat milí?

J. Hān; kyūnki wuh roz-marra Hawārion kī sangat men rahe, jab ki Kḥudāwand ʾIsā un ke darmiyān āmad o raft rakhtā thā. (Aḥmāl 1 : 21.)

S. 37. Kyā sattar shāgird Rasūlon kī mā-nind iḥtiyār rakhte the ?

J. Hān; dekho Lúkā 10 : 19 ; bamuqābile Markas 16 : 18.

S. 38. Kyā aglab hai ki Rasūlon ke shāmil-hāl un ko bhī Rūh i Quds atā hūi ?

J. Hān; dekho Aḥmāl 1 : 15 ; aur 2 : 1 āyat.

S. 39. Kyā jis hāl men ki Markas aur Lúkā ko waisehī mauqe dastyāb hūe jaisā ki Matī aur Yūhannā ko hāsīl the, to kyā is amr se ki wuh Rasūl na the, un kī Injilon kī qadr kuchh kam ho jāti hai ?

J. Hargiz nahīn.

S. 40. Qadīm Kalīsyā kā is Injīl kī nisbat kyā ḥhiyāl thā ?

J. Wuh use saḥīh aur ilhāmī samajhtī thī.

S. 41. Yih Injīl kis ke ihtimām men likhī gai ?

J. Patras ke ihtimám men; Justin ise “Patras kí Injíl,” kahtá hai.

S. 42. Kyá Patras ne Markas ká zikr kiyá hai?

J. Hān; dekho 1 Pat. 5: 13. Wuh use apná betá kahtá hai.

S. 43. Is se kis bát ká ishára miltá hai?

J. Yih ki wuh usí kí koshish se muríd húa, aur us ke sáth Injíl kí khidmat men sharík thá.

S. 44. Kis dalíl se yih bát sábit hai, ki Patras ne is Injíl ko muláhiza kiyá?

J. Is dalíl se; ki Masíh kí zindagí ká koí májrá aisá is men nahín mazkúr húa hai jise Patras ne na dekhá; ki Patras kí bahut sí mutabar báten jin ká aur Injíl-nawíson ne zikr kiyá hai, Markas ne nahín likhá, par us kí kamzoríon ká baḡhúbí bayán kiyá hai. Dekho Markas 8: 29 bamuqábile Matí 16: 17; aur Markas 8: 33; 14: 31—71. Qadím Masíhí musannif bil-ittifáq is amr par gawáhí dete haiñ.

S. 45. Kyá Markas jis ká zikr Patras ne kiyá hai, aur Yúhanná Markas jis ká mazkúr

Aḡmál 12 : 12 meṇ húa hai, ek hí shaḡhs haiṇ ?

J. Hán ; lekin ek muddat tak logon ká yihí gumán thá, ki yih do mutafarriq ashḡhás the.

S. 46. Us ká hál kaháṇ tak maḡlúm hai ?

J. Wuh Mariyam ká beṭá hai, jo Yúhanná Markas kahlátá thá, aur yih wuhí shaḡhs hai jis ne Patras ke qaidḡháne se nikal áne ke baḡd us kí tawáza kí, (dekho Aḡmál 12 : 12 ;) aur Rasúl o pahle Masíhí is hí ke ghar meṇ aksar jamá húa karte the. Wuh Barnabás ká bha-tíja aur Púlús aur Barnabás ká ham-safar thá. (Dekho Kal. 4 : 10.)

S. 47. Púlús ká ḡhiyál ek waqt us kí nisbat kaisá thá ?

J. Wuh us se náráz thá, (dekho Aḡmál 15 : 37, 38 ;) par us ká ḡhiyál píchhe se badal gayá. (Dekho Kal. 4 : 10 ; 2 Tim. 4 : 11 ; Filemán 24.)

S. 48. Markas kí mant ká kyá hál maḡlúm hai ?

J. Qadím musannif likhte haiṇ, ki wuh

Misr ko gayá; aur kí Sikandariya men ek kalísyá ko qáim karke wahán mar gayá.

S. 49. Us kí Injíl kháss kin ke liye likhí gai?

J. Rúmí murídon ke liye.

S. 50. Aur Injilon ke muqábil men is Injíl kí kyá kháss sifat hai?

J. Is men hamáre Kḥudáwand kí báton kí banisbat us ke kámon ká ziyádatar tazkira miltá hai, aur is ká bayán bahut hí wázih par mukhtasar aur Rúmion kí fahmíd ke liye mauzún hai.

S. 51. Nae Ahd-náme kí tísrí kitáb ká kyá nám hai?

J. Lúká kí Injíl.

S. 52. Yih Injíl kab likhí gai?

J. Qaríb san tirsath Íswí ke, lekin waqt sahíh málúm nahín hai.

S. 53. Is Injíl men kaun kaun báten hain, jo aur Injilon men nahín hain?

J. Yúhanná Baptismá denewále ká hál; Rúmion kí mardum-shumárí, Yahúdiya men; wuh májre jo Masíh kí paidáish ke waqt wuqú

men̄ áe; gaṛariyon̄ kí rúyat ká bayán; Masíh ká ḵhatna aur Shamaṭn̄ aur Anná kí gawáhí; Haikal men̄ álimon̄ ká Masíh ke sáth guftogú karná; us kí bátechít Ná Sarah ke ibádatḵháne men̄; us kí tamsílen̄ nek Sámari, gum-shuda bheṛ, Musrif beṭe, daulatmand aur Lázar, sharír qázi, ḵhirájguzár aur Farísí, bephal anjír ke daraḵht, aur das asharfíon̄ kí; Nain kí Bewa kí beṭí ká jiláyá jáná; Masíh ke páon̄ ká masah karná; us ká dúsrá daura Jalíl men̄; us ká Farísíon̄ aur Tauretíon̄ kí malámat karná; us ká shágirdon̄ aur jamáaton̄ ko nasíhat karná, (báb 12;) sattar shágirdon̄ ká bhejá jáná; un ká laut̄ áná; aur das koṛhíon̄ ká changá honá; Ḵhudáwand kí duá ká duhráyá jáná; aur us men̄ mustaṭd rahne kí nisbat sharh; aksar báten̄ jo pánchwen̄ báb kí terahwín̄ áyat se lekar aṭhárahwín̄ áyat tak ke mazmún men̄ darj hain̄; aṭháraḥ baras kí kubrí aurat ká sídhá honá; Masíh ká Aurshalím par roná; shágirdon̄ ká buzurgí ke liye jhagar-ná; Masíh ká Herod ke áge házir honá; aur us ká apne taín̄ Mariyam par, aur un donon̄

shágirdon par jo Emmáus ko játe the, bad apne jí uthne ke záhír karná.

S. 54. Kyá Lúká Rasúl thá?

J. Nahín.

S. 55. Us kí Injilon ke tarz kí kyá sifat hai?

J. Us ká tarz aur Injíl kí nisbat ziyádatar álimána hai.

S. 56. Kyá use aur Injíl-nawíson kí banisbat ziyáda mauqá milá?

J. Hán; wuh talím yáfta aur tibábat-pesha thá.—(Kal. 4 : 14.)

S. 57. Us ne apní Injíl kahán likhí?

J. Bazon ká gumán hai, ki yih Injíl us waqt likhí gaí, jab ki Púlús ke Rúm men muqaiyad hone ke waqt wuh us ke hamráh thá; aur bazon ká yih gumán hai, ki wuh Fillippí men likhí gaí.—(2 Tim. 4 : 11; aur 2 Kar. 8 : 18—21.)

S. 58. Lúká ne apní Injíl kis ke nám par likhí?

J. Theophilus ke nám par.

S. 59. Theophilus kaun thá?

J. Log aksar gumán karte haiñ kí wuh koí

अली mansab Rūmī yā Yúnānī thā, lekin us kā sabīh hāl mutlaq maḷūm nahīn hai. Theophilus ke mane haiñ “dost Kḥudā kā.”

S. 60. Kyā Lūkā Yahūdī thā?

J. Log aksar gumān karte haiñ, ki wuh Yúnānī thā, aur aglab hai ki Yahūdī mazhab par īmān lāyā, lekin is kī sabīh haqīqat maḷūm nahīn. Us ke nām se yih ishāra pāyā jātā hai, ki us kī asl butparast thī, aur kḥwāh gulām, kḥwāh āzād rahā ho.

S. 61. Yih Injīl kḥāsskar kis ke liye likhī gaī?

J. Gair-qaumon ke liye, jaisā ki Matī kī Injīl Yahūdīon ke wāste likhī gaī.—(Dekho bāb 2 : 31 aur 32.)

S. 62. Is Injīl kī tawārīkḥī bayān kī nisbat kyā gumān hai?

J. Yih ki jin mājron kā is men mazkūr huā hai, so aur Injīlon ke muqābil men ziyā-datar tārīkḥ kī qaid ke sāth silsilawār likhe haiñ.

S. 63. Nae Ahd-nāme kī chauthī kitāb kā kyā nām hai?

J. Yúhanná kí Injíl.

S. 64. Is kitáb ke likhne में Yúhanná kí kḥáss mansha kyá thí, aur us ne is kí nisbat kyá kahá hai?

J. Táki ham ímán láen, ki Īsá Masīh Kḥudá ká Beṭá hai, aur ímán láke, ham us ke nám se zindagí páen.

S. 65. Yih Injíl kab likhí gaí?

J. Yih Injíl san sattánave ke qarīb, Afsus shahr में likhí gaí.

S. 66. Yúhanná Rasúl ke wálidain kaun the?

J. Zabadí aur Salomí. Wuh Yāqúb ká ehhoṭá bhái thá, aur yih donoṅ bhái Rasúl húe. Zabadí machhúá thá, aur Daryá i Jalíl ke kanáre par Baitsaidá kí bastí में rahtá thá.

S. 67. Yúhanná, aur Yúhanná Baptismá denewále में kis tarah kí munásibat thí?

J. Wuh Yúhanná Baptismá denewále ká shágird thá, aur us kí ṭalímát ká aisí safái ke sáth bayán kiyá hai, ki utní safái aur Injíl में nahín hai.

S. 68. Yúbanná men aur Masíh men kyá munásibat thí ?

J. Wuh bahut hí jald Masíh par ímán láyá, (dekho báb 1 : 37—41 áyaten ;) aur Yaqúb aur Patras ke hamráh us se aur Masíh se ziyáda irtibát huá. Wuh azíz shágird thá, aur wuh ihtikhwáb kiyá gayá, táki Masíh ke hálát ke niháyat mufíd májron ká sháhid ho, (dekho Markas 5 : 37 ; Matí 18 : 1 ; 26 : 37 ;) aur usí ke ihtimám men Masíh ne apní má ko sompá.

S. 69. Wuh kahán rahtá thá ?

J. Wuh san aṭhtálís Íswí tak Aurshalím men rahá ; aur Afsus men rahkar Kochak Eshiyá men ek arse tak Injíl sunátá rahá ; aur Nero bádsháh kí saltanat ke khatime ke qaríb qaríb wuh Bahíra i Yúnán ke jazíra i Patmas men shahrbadar kiyá gayá. Jab Nerva gaddí nashín huá to wuh phir Afsus ko laut áyá, aur wahín sau baras kí sinn men us ne wafát páí.

S. 70. Yih Injíl báqí tīnon Injilon se kaisí mushábihat rakhtí hai ?

J. Aksar log gumán karte hai, kí tīnon Injilon Yúbanná ke sámhne thín, jab us ne apní

Injíl likhí, is liház se ki us ne bahut sí báten jo agle tinoṇ ne likhí haiṇ, nikál dālí haiṇ, aur jo jo báten aur mājre unhoṇ ne chhoṛ diye, unheṇ Yúhanná ne likhá hai.

S. 71. Yúhanná kí Injíl ke bayán meṇ kyá khusúsiyat hai ?

J. Us ká bayán is andáz par kiyá gayá hai, ki Masíh kí Ulúhiyat aur us kí risálat kí garz ko safái ke sáth sábit kare, aur us kí rahm-dilí aur muhabbat kí kasrat ko áshkára kare.

S. 72. Is Injíl meṇ kaun kaun báten haiṇ jin ká mazkúr aur Injilon meṇ nahín húá hai ?

J. Is Injíl ká mazmún do-tihái ke qaríb nayá hai ; páñch báb, yāne, terah se sattarah tak kí báten bilkull naí haiṇ. Is ká bayán bahut qadím waqt se shurú hotá hai ; wuh Kḥudá ke Beṭe ke peshrafta wujúd ká zikr kartá hai ; Yúhanná Baptismá denewále kí gawáhi ko pesh látá hai, (1 báb 1—51 áyat ;) wuh pahle muḥjize ká bayán kartá hai, (2 : 1—12 ;) aur haikal ke andar se tujjáron ká hánká jáná, (2 : 13—25 ;) Niqúdimús ke sáth Masíh kí guftugú, (3 : 1—21 ;) Yúhanná kí

aláwa gawáhí, (3 : 22—36.) Sámari aurat ke sáth bátchít karná, (4 : 4—42 ;) amír ke betē ká changá honá, (4 : 46—54 ;) Baithasda ke kund par ke ek nátawán ká changá honá, (5 : 1—47 ;) Kafarnáhum men ibádatkháne men bahs karná, (6 : 22—71 ;) Khaimon kí íd men Masíh ká házir honá, (7 : 1—53 ;) us aurat ká tazkira jo ziná men pakrī gaí thī, (8 : 2—11 ;) Masíh ká Yahúdion ke sáth kalám karná aur un ke háth se bach nikalná, (8 : 12—59 ;) janam ke andhe ká bíná honá, aur us ke zimn men Masíh kí báten, (9 : 1—41 ; 10 : 1—21 ;) Masíh ká tajdíd kí íd men házir honá, (10 : 22—42 ;) Lázar ká jiláyá jáná, (11 : 1—46 ;) Kayáfá ká Masíh ke haqq men mashwara karná, (11 : 47—54 ;) un Yúnánion ke sáth guftogú karná jo Masíh ko dekhá cháhte the, (12 : 20—50 ;) wuh báten jo 13 báb se 17 tak ke mazmún men marqúm hain ; Masíh ká Sardár Káhin ke áge honá, (18 : 19—24 ;) Pilátús ká Masíh ko rihá karne kí koshish karná, (19 : 4—16 ;) Masíh ká salíb par se utará jáná, (19 : 31—42 ;) Mariyam ke sáth

qabr par kí muláqát ká púrā bayán ; (20 : 11—18;) Masíh ká Daryá i Jalíl par sāt shágirdon ke úpar apne taín záhir karná ; (21 : 1—24;) aur bahut se aur chhoṭe chhoṭe májron ká tazkira. Yúhanná hí ne is bát ká mazkúr kiyá hai, ki Patras ne Malkús ká kán urá diyá.

S. 73. Dústre hawáríon ne Patras kí is bát aur Lāzar ke jílāe jāne ká hál kyún nahín likhá?

J. Aglab hai, ki unhon ne qasdan in báton ko Patras aur Lāzar kí salámatí ke k̐hiyál se poshída rakhá; lekin Yúhanná ne itne āse bad apní Injíl likhí, ki wuh in báton ká tazkira bedharak kar saktá thá, is liye kí yaqín hai, ki Patras aur Lāzar donon men se ek bhí zinda na rahá ho.

S. 74. Injílí tawáríkh ke kin mufíd májron ká Yúhanná ne zikr nahín kiyá hai?

J. Masíh kí paidáish, us ká baptismá páná, aur ázmáyá jáná, aur us kí aksar tamsílen aur bahut se mujíze, aur us kí paháří wāz.

S. 75. Is Injíl men kaun kaun k̐hitáb k̐háss hain?

J. Masíh kí nisbat “Kalima” aur “Eklau-te” ká khitáb istimál men áyá hai, aur Rúh-ul-Quds ke haqq men “Tasallí-dihinda” ká khitáb miltá hai.

S. 76. Masíh ne Yúhanná aur us ke bhái Yaqúb ko kaun se khitáb se mulaqqab kiyá?

J. Boanarjes yá Baní Rāḍ, is jihat se ki wuh kalām sunāne men bare sargarm aur lassān the?

S. 77. Yúhanná kí nisbat kyá kyá riwáyat mashhúr hai?

J. Kahte hain ki us ke mizáj men bará uns thá, aur wuh har dil azíz shakhs thá. Jerome likhtá hai, ki jab wuh aisá zaíf ho gayá, ki imándáron kí jamaát men sharík na ho saktá thá, to use wahán uthá le játe the, aur wuh yih kahá kiyá kartá thá: “Ai chhote bachcho, ek dúsre ko pyár karo.” Yihí akelá hawáí apní maut se mará.

S. 78. Nae Ahd-náme kí páncchwín kitáb ká kyá nám hai?

J. Rasúlon ke Aḡmál kí kitáb.

S. 79. Is kitáb men kitne zamáne ká hál mundarj hai?

J. Masíh ke urúj karne se Púlús ke dúsre martaba Rúm men muqaiyad hone tak, yane tentís baras ke arse ká.

S. 80. Yih kitáb kab likhí gaí ?

J. San tirsath Íswí ke qaríb qaríb.

S. 81. Wuh kis muqám par likhí gaí ?

J. Is ká hál sahíh málúm nahín hai, par gumán karte hain, ki wuh Rúm men likhí gaí, jab ki Púlús wahán muqaiyad thá.

S. 82 Is kitáb ká ráqim kaun thá ?

J. Lúká ; aur us kí Injíl ke mutábíq wuh Theophilus ke nám par likhí gaí.

S. 83. Is kitáb kí manshá kyá hai ?

J. Is kí manshá yih hai, ki hawáríon kí zindagí aur un kí manádí kí nisbat men Masíh kí talím ke istímál ke taur ko záhir kare, aur ki Injíl kí auwal aur ájib kámyábí ká hál áshkára kare.

S. 84. Jitne arse kí tawáríkh is kitáb men darj hai, utne arse men Injíl kahán tak phailí ?

J. Masíh kí maut se tís baras bad ke arse men Injíl bahut sí tarbíyat-yáfta aur ná-

tarbíyat-yáfta jagahon men bhí phail gaí thí. Kalísyáen Aurshalím, Antákiya, Karint, Afa-sus, Filippí aur Rúm men qáim ho gaí thín, aur Injíl Arab, aur Eshíá i Kochak, Yúnán, Maka-dúníya, Itáliá aur Afríká men phail gaí thí.

S. 85. Is kitáb ke raqm karne ke liye Lúká ko kyá kháss mauqa milá thá?

J. Wuh Púlús rasúl ke hamráh jab wuh Injíl kí manádí ke liye dúr dúr nikal játá thá, aksar jáyá kartá thá.

S. 86. Is tawáríkh kí barí bát kyá hai?

J. Masíh ke wade ká, Rúh-ul-Quds ke názil hone men púra honá.

S. 87. Masíhí mazhab kí pushtí karne ke liye yih kitáb kyúnkar kháss taur par fáida-bakhsh húi hai?

J. Us ittihád ke báis se jo us men aur khatton men miltá hai, jin ká qasdan mazkúr honá muhál hai, is báis se ki wuh mutafarriq waqton aur jagahon men likhe gae. Dr. Paley sáhib ne in ittihádon ká barí taqwíyat ke sáth apní us kitáb men tazkira kiyá hai, jise "Horæ Paulinæ" kahte hain.

S. 88. Is kitáb kí ibárat men kaun sí bát aisí hai jis se yih sábit hotá hai, ki yih kitáb filhaqíqat Lúká hí kí likhí húi hai ?

J. Is men painsath aláhida aláhida aise muháware áe hain, jo kháss Lúká kí Injíl aur is hí kitáb men páe játe hain. Ek lafz jo aur sab Injilon men kull nau martaba istí-mál men áí hai, wuh Lúká kí Injíl men unchás martaba, aur Aamál men ahtís martaba mustamil húi hai.

S. 89 Is kitáb ko kai hisson men taqsím kar sakte hain ?

J. Do hisson men ; pahle bárah bábon men kháss Patras kí wisátat se Yabúdíon ke darmiyán Injíl ke phailne ká bayán húa hai ; aur báqí bábon men Gair-qaumon ke darmiyán Púlús kí mihnaton ká mazkúr húa hai.

S. 90. Masíh kí nisbat jo gawáhíán is kitáb men dí gáin hain, un kí kyá sifat hai ?

J. Is men Masíh kí Ulúhíyat aur us ke uhde kí khássíyat ká barí safái ke sáth zikr húa hai. Duáen us ke nám par maḡhsús kí

gaí haiñ (7 : 59, 60 ; 2 : 21 ; 9 : 14). Lafz *Khudáwand* kí, *Khudá Báp*, aur *Masíh*, donon ke haqq men bilá imtiyáz istimál men áí hai, (10 : 36 ; 9 : 34, 35, 42, wagaira.)

S. 91. Rúh-ul-Quds kí nisbat is kitáb men kis tarah kí gawáhí miltí hai ?

J. Patras ne use *Khudá* ká *khítáb* diyá hai, (5 : 3, 4.) Jise *Yasaiyáh* *Yahowáh* kahtá hai, use *Púlús* ne *Rúh-ul-Quds* qarár diyá hai, (Yas. 6 : 8, 9, aur báb 28 : 25.) Aur *Rúh-ul-Quds* kí *uqnúmiyat* qáim kí gaí hai, (8 : 29 ; 10 : 19 ; 13 : 2 ; 16 : 7 ; 20 : 28.)

S. 92. *Lúká* kí kis muftíd sifát ká is kitáb men bayán húá hai ?

J. Us kí farotaní ; agarchi wuh *Púlús* ke sáth un sáre manzaron men jis ká is men zikr húá hai, sharík thá, táham wuh apná mutlaq mazkúr hí nahín kartá.

S. 93. Nae *Ahd-náme* ko kis tarah par taqsím kar sakte haiñ ?

J. Tín hisson men ; yane *tawáríkhí*, *khutútí*, aur *nabawí*.

S. 94. *Khutút* kitne haiñ ?

J. Ekkís.

S. 95. Kyá yih ꝑhutút apní tarqím kí qaid ke mutábiq silsilewár murattab kiye gae hain?

J. Nahín; Us kí tartíb kalísyáon kí yá un ádmíon kí shuhtrat par, jin ke nám par wuh ꝑhutút maḡhsús kiye gae the, mauqúf rakhí gaí hai.

S. 96. ꝑhutút ke do ḡháss hisse kyá hain?

J. Púlús ke ꝑhutút aur ꝑhutút i Ámm.

S. 97. ꝑhutút i Púlús shumár men kitne hain?

J. Ibráníon ke ꝑhatt ko chhorke wuh shumár men terah hain.

S. 98. Báqí ꝑhutút i Ámm kyún kahláte hain?

J. Is kí kaí wajhen bayán kí gaí hain; lekin aglab hai, ki wuh ꝑhutút i Ámm is wajh se kahlate hain, ki Púlús ke ꝑhatton ke mutábiq wuh kisí jamáat ke liye nahín likhe gae, par un ká mazmún aisá thá jo har kalísyá men kár ámad ho saktá thá.

S. 99. In ꝑhutút ke mane samajhne ke liye kaun sí bát par liház rakhná cháhiye?

J. Yih ki wuh sab, Rúmíon ke Kḥatt ko chhorke, ḡháss ḡháss kalísyáon aur jamaáton kí hálát i maḡhsús ke báis se likhe gae, yá un shaḡhson kí haqíqat kí nisbat jin ke nám par yih Kḥatt maḡhsús kie gae the; aur un hálaton aur májron ká baḡhúbí samajhná bahut hí munásib o zarúr hai.

S. 100. Nae Ahd-náme kí chhaṡhwín kitáb ká kyá nám hai?

J. Rúmíon ká Kḥatt.

S. 101. Is Kḥatt ko kis ne likhá.

J. Púlús rasúl ne.

S. 102. Kyá Púlús ká yih nám hamesha se yihí thá?

J. Nahín; us ká auwal nám Sáúl thá, par us ke Masíhí ho jáne par us ká nám Púlús paṛá.

S. 103. Us kí paidáish kahán kí thí?

J. Kilikiyá ke Tarsus shahr kí. Us ne apne báp se Rúmí raís ká haqq iḡhtiyár kiyá. Wuh Binyamín ke firqe meṇ se thá.

S. 104. Wuh Yahúdíon ke kis firqe ká thá?

J. Wuh misl apne báp ke Farísí thá.

S. 105. Us ki já i wiládat shahr i Tarsús kí kyá kaifiyat thí?

J. İḷm aur falásafí kí nisbat men̄ wuh Athens aur Sikandarí se hamsarí kartá thá. Us ke aiyám i tífí men̄ wahán̄ rahne ke bájs se us kí chalan ke andáz par barí tásír húi hogí.

S. 106. Us kí tarbíyat kahán̄ húi?

J. Chaudah baras ke sinn men̄ wuh Aurshalím ko gayá, aur us ne Gamálíel se Yahúdión̄ ke ilm̄ men̄ tarbíyat páí.

S. 107. Gamálíel kaun thá?

J. Gumán hai ki wuh un sát muallimon̄ men̄ se thá, jin ká mazkúr Tálmúd̄ men̄ húá hai, aur jin ko muallim ká k̄hitáb diyá gayá thá.

S. 108. Kyá Yahúdión̄ ká dastúr thá, ki apne lar̄kon̄ ko kisé na kisé tarah ká pesha sikhláen̄?

J. Hán̄; kyún̄ki agarchi Púlús rasúl Yahúdión̄ kí shariát̄ men̄ máhir thá, par wuh k̄haimadozí ká kám bhí kartá thá. Yahúdión̄ men̄ ek masal thí, ki jo shakhs apne lar̄ke ko koí pesha nahín̄ sikhlátá wuh use chorí karná síkhlátá hai.

S. 109. Masíhí hone se peshtar Púlús kí kyá haqíqat thí?

J. Wuh Masíhíon ká bará sargarm satáne-wálá aur us mazhab kí nisbat kufr kahnewálá thá.

S. 110. Nae Ahd-náme men Púlús ká kis nisbat men auwalan zikr huá hai?

J. Jis waqt Istifán mára játa thá wuh us ke qátilon men házir thá, aur us kí maut se khush thá.

S. 111. Jab wuh bataur i mujize Masíh par ímán láyá us waqt wuh kyá kartá thá?

J. Wuh Dimishq ko játa thá, ki Masíhíon ko satáe.

S. 112. Wuh is zulm ke kám men kis tarah roká gayá?

J. Aisi tez roshní se, ki us kí bínái játi rahí, aur ek áwáz se, jo yih kahtí thí, ki “Ai Sául, Sául, tú mujhe kyún satátá hai.”

S. 113 Yih áwáz kis kí thí?

J. Yih áwáz Khudáwand Masíh kí thí, jis ne apní nisbat yih kahá, ki Tú mujh ko satátá hai.

S. 114. Apní murídí ke shámil-hál, us ne K̤hudáwand Ísa Masíh se kaun sí bát hásil kí?

J. Gair-qaumon̄ ke darmiyán hawárí hone kí risálat.

S. 115. Is májre ke b̄ad us ne kyá kiyá?

J. Wuh fauran Ďimishq ko gayá, ki Haná-niyáh se baptismá le, aur apní ánkhon̄ kí bínáí páe.

S. 116. Wuh kis waqt muríd húá?

J. San Íswí paintís ke qaríb qaríb.

S. 117. Us ne kab wafát páí?

J. San Íswí arsaṭh ke qaríb qaríb.

S. 118. Us ne kis tarah wafát páí?

J. Us kí nisbat yih riwáyat hai, ki us ká sir Níro bádsháh ke hukm se, Rúm shahr ke pháṭak ke báhar káṭá gayá.

S. 119. Rúm kí kalísyá ko yih K̤hatt, kab aur kahán̄ likhá gayá?

J. Karint shahr men̄, san aṭṭháwan Íswí ke qaríb.

S. 120. Rúm ke shahr men̄ Injíl ke phail-ne kí taiyáí kis tarah húí thí?

J. Is tarah par ki wahán̄ par bahut se Ya-

húdí áke base the, aur aksar Rúmíon ne Yahúdí mazhab ko iḡhtiyár kar liyá thá.

S. 121. Rúm kí kalísyá kí kyá hálát thí?

J. Un ke ímán ká shuhra tamám dunyá men phailá thá.—(Dekho 1 : 8.)

S. 122. Rúm kí kalísyá ká is se peshtar kahán ishára húá hai?

J. Aḡmál 2 : 10.

S. 123. Rúm kí kalísyá kí bunyád kí nisbat Rúmíon men kyá riwáyat hai?

J. We kahte the kí Patras ne is kalísyá kí bunyád ḡalí; lekin Aḡmál kí kitáb se sábit hai, kí wuh Aurshalím men us waqt thá jis waqt wuh us ká Rúm men honá qáim karte haiṇ. Is Ḳhatt men Patras ke wahán hone ká mutlaq zikr hí nahín hai.

S. 124. Is Ḳhatt ke likhne men Púlús hawáí kí kyá mansha thí.

J. Yih kí Masíhí mazhab kí is asl ṭalím ko sábit kare, kí sadáqat sirf Ísá Masíh par ímán lāne se hásil ho saktí hai.

S. 125. Tasdíq ke muqaddame men Yahúdíon men kyá galatfahmí thí?

J. Un ká yih gumán thá, ki wuh rasm aur rusúmát jo Lewíána qánún ke rú se jáiz the, wuh K̲hudá se maqbúliyat hásil karne kí bhí bunyád the, aur aksar Masíhíon ká yih k̲hiyál thá ki is tasdíq kí tálím se aksar bejá harkat-on kí targíb miltí hai.

S. 126. Púlús hawárí ne is K̲hatt men kaun sí bát sábit kí hai?

J. Yih ki Yahúdíon kí rasm o rasúmát In-jíl ke nizám ke bájs se salaf ho gaí, aur ki naját kí ráh Yahúdíon aur Yúnáníon, donon ke liye eksán khul gaí, aur ki ímán se pákíza-gí paidá hotí hai.

S. 127 Kyá yih K̲hatt Púlús rusúl ke aur k̲hatton se pahle likhá gayá thá?

J. Nahín; is ke qabl us ne kaí K̲hatt likhe, yāne Tassalúníqíon ke donon K̲hatt, aur Gala-tíon ká K̲hatt aur Karantíon ke do K̲hatt.

S. 128. Yih K̲hatt pahle kyún rakhá gayá?

J. Is sabab se ki yih K̲hatt sab K̲hatton se bará, aur niháyat amíq mazmún hai, aur un Masíhíon ko likhá gayá jo Rúm kí barí bád-sháhat ke dár-us-saltanat men rahte the.

S. 129. Púlús rasúl kí ibárat men kyá k̄húbí hai?

J. Us kí ibárat bahut mustahkam aur us kí dalílen bahut paiwasta haiñ; us ke baṛe baṛe darmíyání jumle bāz bāz maqám par sáf samajh men nahíñ áte.

S. 130. Jis waqt Púlús ne is K̄hatt ko likhá us waqt Rúm kaisí jagah thí.

J. Wuh Rúmí saltanat ká dár-ul-hukúmat aur kull dunyá ká takhtgáh thá.

S. 131. Masíh kí paidáish ke waqt Rúm kí kyá hálat thí?

J. Wuh az hadd táríkí aur bátil-parastí men mubtilá thá; us men buton ke chār sau bīs mandir the; lekin ilm o hunar ke muqaddame men wuh tamám dunyá par fauqíyat rakhtá thá.

S. 132. Kyá Yahúdiya us waqt ázád thá?

J. Nahíñ; wuh Rúmíon ke mátaht thá.

S. 133. Kin kin Rúmí bádsháhon ne Masíhíon ko ziyádatar satáyá?

J. Níro, Domíshian, aur Trájan.

S. 134. Rúm kí saltanat ke logon ne kis zamáne men Masíhí mazhab ko ikhtiyár kiyá?

J. San tín sau pachís Īswí ke qaríb, sháh i Qunstuntín ke ahd i saltanat men.

S. 135. Nae Ahd-náme kí sátwín kitáb ká kyá nám hai?

J. Púlús rasúl ká pahlá Kḥatt Karintíon ko.

S. 136. Karint kahán thá?

J. Yih shahr Yúnán ke dakhan simt ko wáqī thá, aur Rúm ke ek súbē Aḥhaiyá ká dár-us-saltanat thá. Yih shahr us ḵháknáe par baná hai, jo bahíra i Ægean ko bahira Yúnán se mutawassit kartá hai.

S. 137. Is shahr kí kyá sifat thí?

J. Yih baṛí tijárat-gáh thí. Is shahr kí daulat aur us kí shaukat mashhúr thí, aur falásafa aur hunar ko baṛí taraqqí thí. Isthmián tamáshe yá mele jis ká zikr (9 : 24—27) men húá hai, isí shahr ke qaríb hote the, aur us men bahut se ádmí jama húá karte the.

S. 138. Muarriḵhon ne is jagah kí nisbat kyá likhá hai?

J. Unhon ne use Yúnán kí roshní aur us kí zínat qarár diyá hai.

S. 139. Jis zamáne meṇ Púlús waháṇ gayá,
us zamáne meṇ us ká aḳhláq kaisá thá ?

J. Us kí ḳharábí aur badkárí namúd thí,
aur us ká shuhdapan un ke mazhab kí ḳháss
sifat thí. Is shahr ke barábar Yúnán meṇ
koí shahr fásid na thá.

S. 140. Púlús waháṇ kitne din tak rahá ?

J. Derh baras se ziyáda ziyáda.—(Aḡmál
18 : 11.)

S. 141. Wuh Karint meṇ kis waqt gayá ?

J. San tirpan Īswí ke qaríb.

S. 142. Us ne Injíl kí manádí ḳin logon ke
darmiyán pahle kí ?

J. Yahúdion ke darmiyán, kyúnki us kí aisí
hí ádat thí.

S. 143. Wuh waháṇ kis ke sáth muqím
thá ?

J. Aquilá aur us kí bíbí Priscilla ke sáth.
Yih log Yahúdí the, aur sháhansháh i Qlaudi-
us ke hukm se Rúm se shahr badar kar diye
gae the.

S. 144. Wuh in logon ke sáth kyún rahá ?

J. Yih log ḳhaimadoz the, aur Púlús ko

apní parwarish ke liye is peshe ká kám karná pará.—(Aḡmál 18 : 2, 3.)

S. 145. Púlús ke ham-ḡhidmat Karint meṇ kaun kaun the?

J. Sílás aur Timtáús.—(Aḡmál 18 : 5).

S. 146. Yahúdíoṇ ne Púlús kí manádí ko kis tarah qabúl kiyá?

J. Unhoṇ ne kufr ke sáth us ká muqábila kiyá, yahán tak ki wuh unhen chhoṛkar ḡair-qaumoṇ kí taraf rujú húa.

S. 147. Púlús ne is Ḳhatt ko kahán likhá?

J. Afasus meṇ.

S. 148. Aur kis waqt likhá?

J. San sattáwan Íswí meṇ, jab ki wuh ek bár Karint se lauṭ áyá, aur do bára wahán já-ne kí taiyárí kar rahá thá.—(Dekho 2 : 1 ; 4 : 19 ; 16 : 5.)

S. 149. Is Ḳhatt ke likhne ká báis kyá thá?

J. Bāz bāz muḡallimoṇ ne us kí tahqír kí, aur us ke hawárí hone par shakk karte the, aur us kí talím kí sádagí par tamaskhur karte the ; kalísyá ne us ke pás ek Ḳhatt likhá thá, aur us ká jawáb dená bhí us ko manzúr thá ; un

ke darmiyán judáíán ho rahí thín, (báb 1 : 10—16 ; 3 : 4—6 ;) Masíhí ázádí ke parde men wuh bahut sakht badchálí ko rawá rakh-te the, (báb 5 :) wuh ápas ke muqaddamon ke faisle ke liye kachahríon men játe the, (6 : 1—8 ;) us kalisyá kí auraton amm jamaáton men aise kám kartí thín, jo auraton ke liye sháista na thá, (11 : 3—10 ;) unhon ne Ashá i Rabbání ko bigár rakhá thá, (11 : 20—34 ;) mujize kí nimat kí un logon ne beizzatí kar rakhí thí, (14 :) aur qiyámat kí talím par log shakk karte the.

S. 150. Yih Khat kis ke háth se bhejá gayá thá ?

J. Títus ke háth se, aur us ko yih bhí tákíd thí, ki us Khat ke qabúl karne ke taur kí Púlús ko ittilá kare.

S. 151. Nae Ahd-náme kí áthwín kitáb ká kyá nám hai ?

J. Púlús ká dúsrá Khat Karintíon ko.

S. 152. Yih Khat kab likhá gayá ?

J. San sattáwan Íswí men, pable Khat ke likhe jáne ke thore hí din bad.

S. 153. Yih Kḥatt kis maqám par likhá gayá?

J. Makadúníya men, jahán Púlús aur Títus se muláqát húi, aur us ko yih khabar milí ki un logon ne kis taur par pahle Kḥatt ko qabúl kiyá.

S. 154. Us Kḥatt se un par kis tarah kí tásír paidá húi?

J. Us kí malámaton ne bazon ko un kí badí par qáil karke un men taubá kí khwáhish paidá kí thí; lekin fitna-angez muallim us ke hawárí hone ko haqír samajhte the. Wuh us kí aur us ke kalám kí ihánat karte the.

S. 155. Is Kḥatt men kyá khúbí hai?

J. Us men taríf aur muhabbat o malámat milí húi páí játí hai, aur us men ajíb farotaní ke sáth hawárí kí risálat kí pushtí kí gaí hai, jis ke shumúl men us kí nimaton, aur us kí mihnaton, aur taklífát ká mazkúr húa hai, aur royat aur wahí jo un par názil húi.

S. 156. Yih Kḥatt kis ke háth se bhejá gayá?

J. Títus aur auron ke háth, aur Púlús khud hí un ke bad wahán gayá.

S. 157. Kyá yih donon Kḥatt, agarchí ibtidá men Karint kí kalísyá ko likhe gae, ab bhí kalísyá ke liye talím-dihinda ho sakte hain?

J. Hân; un ká Karintíon ke kháss fáide ke liye likhá jáná, is zamáne kí kalísyáon kí nisbat us kí manzurí ko bátíl nahín kartí. Púlús ke aur Kḥatton kí banisbat is men bahut se nae nae mazmún istímál men áe hain; un se ham yih talím-dihinda bát daryáft kar sakte hain, ki Injíl kí taraqqí men kyá kyá mushkilát darpesh thín, aur kí kalísyá kí auwal hálát kaisí thí; pahle Kḥatt ke gyárah aur pandrah báb khásskar mufíd aur talím-bakhsh hain; pandrahwen báb men qiyámat ká aisá muassir aur wázih bayán áyá hai, kí Pák Nawishte ke kisí dúsre maqám men itní safái ke sáth is ká bayán nahín miltá; donon Kḥatton men Masíhí aur khádimán i dín kí wafádárí ká bahut umda namúna pesh kiyá gayá hai, aur us men bahut sí nasíhaten aur talímát aisí hain jo har zamáne aur har hál ke liye mustámil ho saktí hain.

S. 158. Nae Ahd-náme kí nauwín kitáb ká kyá nám hai?

J. Púlús ká Khatt Galatíon ko.

S. 159. Galatíá kahán thá?

J. Wuh shahr na thá, lekin Eshíá i Kuchak ke darmiyán ek bará súba thá.

S. 160. Is ká yih nám kyúnkar pará?

J. Gál, yane Fráns se, jinhon ne Masíh se do sau chális baras peshtar zabardastí se us par qabza kiyá.

S. 161. Is ke báshindon kí kyá kaifiyat thí?

J. Wuh bakhúbí tarbíyat-yáfta na the, aur barí saḡht butparastí men mubtilá the.

S. 162. Yáhán par kalísyáon kí pahle pahl kis waqt biná parí?

J. San ekkáwan Íswí men Púlús aur Sílás is súbé men se hoke guzre, aur kalísyáon kí bunyád dālí, aur Karint se laut jáne ke tín baras bad Púlús phir yahán áyá.

S. 163. Yih Khatt kab aur kahán likhá gayá?

J. Is ká hál sahíh ma'lúm nahin; par aglab

hai, ki yih us waqt likhá gayá jab Púlús do-
bára yahán áyá, yá to san tirpan yá sattáwan
İswí men, aur yá to Afasus yá Karint men.

S. 164. Is Khatt men kyá khusúsiyat hai ?

J. Yih Khatt Púlús ne apne háth se likhá,
aur yih bát us kí ádat ke khláf thí, is liye ki
wuh áp íbárat batláyá kartá thá, par aur log
likhte the.

S. 165. Is Khatt ke likhe jáne kí kyá
hájat thí ?

J. Aksar muállimon ne unhen yih talím
dí thí, ki rasam i Músawí ká mánná naját ke
liye zarúr thá; ek faríq Karint men aisá
barpá húa thá, jo Púlús kí risálat par shakk
kartá thá, aur us ká yih khiyál thá, ki wuh
Patras aur Aurshalím ke aur hawáríon kí nisbat
martabe men kamtar thá.

S. 166. Yih Khatt aur kin Khatton se mu-
shábih hai ?

J. Karintíon aur Rúmíon ke Khatton se. Is
men Púlús kí hawáriyat sábit kí gai hai, aur
yih ki tasdíq sirf ímán ke wasíle se hásil ho
saktí hai.

S. 167. Nae Ahd-náme kí daswín kitáb
ká kyá nám hai ?

J. Púlús ká Khatt Afasíon ko.

S. 168. Afasus kahán thá ?

J. Wuh Eshíá ke Rúmí súbé ká dár-us-sál-
tanat thá ; yih shahr Smyrná ke dakhin tís
míl ke fásile par wáqī thá.

S. 169. Afasus kis bát ke liye mashhúr thá ?

J. Us men Artamis debí ká ek bará mandir
thá, aur aisá shándár aur ganí thá, ki use
dunyá ke sát bare bare ajáib maqámon men
mutasawar karte the.

S. 170. Is mandir ká miqdár kyá thá ?

J. Wuh chár sau pachís fuṭ lambá, aur do
sau bís fuṭ chaurá thá ; us men ek sau sitún
sáth fuṭ ke lambe the. Yih mandir do sau
baras ke arse men taiyár huá.

S. 171. Afasíon kí kyá khássíyat thí ?

J. Wuh bare buz-dile aur aiyásh the ; wuh
afsúngarí ke ilm men mashhúr the.

S. 172. Púlús Afasus men kab gayá ?

J. Wuh wahán do martabe gayá.—(Dekho
Aamál 18 : 18—26 ; 19.) Pahlí bár san tir-

pan Īswí men, wuh Aurshalím ko játe húa wahán gayá, aur दूसरी dafa ek sál bad, wuh wahán do baras se ziyáda rahá.

S. 173. Yih Kḥatt kis hálát men likhá gayá ?

J. Gumán karte hain, ki yih pahlá Kḥatt thá, jo Púlús ne us waqt likhá jab wuh Rúm shahr men qaid thá.

S. 174. Is Kḥatt ke likhe jáne kí ek kḥáss wajh kyá thí ?

J. Púlús ko is bát ká kḥauf thá, ki kahín mere qaid ho jáne ke báis se Afasí muríd past-himmat na ho jáen, is liye us ne Tikhíkus ko is Kḥatt ke hamráh un ke pás bhejá, táki un ko himmat diláe.

S. 175 Is Kḥatt ko kyúnkar taqsím kar sakte hain ?

J. Do hisson men, yane *ṭalímí*, pahle se tísre báb, aur *istímálí* chár se chha báb.

S. 176. Is kitáb kí ámm manshá kyá hai ?

J. Is men Kḥudá kí bádsháhat ke álatarín jalál ká bayán hai ; wuh bahut hí pur mazmún aur ṭalím-dihanda hai ; is men Masíhon

ke ishtiyāq aur ummaid kā mazkūr hai ; aur Masīhī nizām kī wasaʿat aur kalīsyā kī jalālī khush-nasībī mundarj hai, aur un men apnī sūdmandī ke tayaqqun aur istīmālī nasīhaton ke sāth wuh is Khatt ko khatm kartā hai.

S. 177. Is Khatt kī āmm sifat kī nisbat kaun sī bāt lihāz ke qābil hai ?

J. Wuh aur Khatton kī banisbat ilāhī dānish aur muhabbat ke ūmaq kā ziyādatar mazkūr kartā hai ; tāham yih us waqt likhā gayā jab ki Púlús khud qaid men thā.

S. 178. Yih Khatt kab likhā gayā ?

J. San bāsath Íswí ke qarīb.

S. 179. Kyā jis tarah Karint aur Galátíá kī kalīsyāon ko rasúl ne malāmat kī, usī tarah Afasus kī kalīsyā ko bhī malāmat karne kī zarúrat thī ?

J. Nahín ; us ne maḡhsús báten tasadduq kar dí thín, (Aḡmál 19 : 19,) aur us kā ímán aur us kī sargarmí mashhúr thī. Lekin baḏ-az-án us ne tādīb ke láiq kām kiyā, aur us ko tādīb dí gai.—Dekho Mukásh. 2-1—7.)

S. 180. Afasus shahr ke pate kí ab kyá alámat báqí hai ?

J. Sirf qadre wírána ; koí Masíhí wahán nahín rahtá.

S. 181. Nae Ahd-náme kí gyárahwín kitáb ká kyá nám hai ?

J. Púlús ká Khatt Filippíon ko.

S. 182. Yih Khatt kab likhá gayá ?

J. Rúm shahr men, (1 : 12—14 ; 4 : 22,) Púlús rasúl kí pahlí asírí ke aiyám, san tirsath Íswí men.

S. 183. Filippí kahán thá ?

J. Wuh Maqadúniya ká ek shahr thá, jise Július Qaisar ne sar i nau ábád kiyá thá, aur us ne wahán ke báshindon ko Rúmí raíson ká haqq atá kiyá thá. Wuh bahíra i Ægean ke sire par wáqí thá.

S. 184. Filippí kí shuhtrat ká kyá báis hai ?

J. Is báis se ki wahán Július Qaisar aur Pompey ke darmiyán, aur Augustus aur Antony ke jo ek jánib the, aur Cassius aur Brutus ke darmiyán jo dúsrí jánib men the,

laráían hún ; aur is wajh se bhí ki Europe men isí shahr ne pahle Injíl ko qabúl kiyá.

S. 185. Us ká pahlá nám kyá thá ?

J. Us ká pahlá nám Dathos thá, aur jab Maqadúniya ke bádsháh Filip ne is shahr ko túl diyá, to us ke nám par is shahr ká nám Filippí pará.

S. 186. Púlús is shahr men pahlí martaba kab gayá ?

J. San ekkáwan Íswí men. Us ká apná iráda yih na thá ki wahán jáe, par baraks is ke Rúh-ul-Quds ne use jáne kí targíb dí.— (Aamál 16 : 6—12.)

S. 187. Púlús ne pahle kis se khitáb kiyá ?

J. Apne dastúr ke mutábíq Yahúdión se. Us kí mihnaton ká ahwál Aamál ke solahwen báb men miltá hai.

S. 188. Kyá wuh Filippí men phir gayá ?

J. Dekho Aamál 20 : 1, 3, 6.

S. 189. Jab Púlús aur Sílás Filippí men the, un par wahán kyá hádisa wáqi húa ?

J. Un kí zadkobí húi aur wuh qaid men dále gae, par unhon ne mujize ke taur par rihái

páí. Qaid-kháne ká dárogah mai apne gharáne ke ímán láyá, aur un sab ne baptismá páyá.

S. 190. Filippí Masíhíon ne apní mahabbat Púlús kí nisbat kyúnkar záhir kí?

J. Wuh us kí ihtiyájon men us ke kám áe, aur jab kí wuh Rúm shahr men qaid thá, us ke pás barábar kharch bhejá kiye.

S. 191. Un logon ne apní bakhshishen kis ke háth se us pás bhejín?

J. Epaphrodítus ke háth se; jab wuh wahán se lautne lagá, to Púlús ne usí ke háth yih náma bhejá, jis men us ne bare mahabbat ámez kalime aur shukrguzarí ke sáth un kí mihrbáníon ká iqrár kiyá hai.

S. 192. Filippí kí kalísyá kí kyá sifat thí?

J. Yih us zamáne kí kalísyáon men sab se bihtar thí. Us ke shuraka Púlús se bahut gahrí mahabbat rakhte the. Jab ki wuh Thassalúníká men thá to unhon ne us pás dobára chande bheje, aur ek martaba jab ki wuh Karint men thá, (4 : 15, 16 ; 2 Kar. 11 : 9.) Unhon ne

Injíl kī k̥hátir bahut sí taklíf uṭháí. (1: 28–30.)
Púlús ko koí aisí wajh na milí ki aur kalísyáon
kī mánind is par bhí ilzám lagáe.

S. 193. Nae Ahd-náme kī bárahwín kitáb
ká kyá nám hai ?

J. Púlús ká K̥hatt Kalasíon ko.

S. 194. Kalase ká shahr kahán thá ?

J. Wuh Eshíá i Kuchak ke ek súbē Phrygíá
ká ek k̥háss shahr thá. Yih shahr ab maujúd
nahín hai. Púlús ke is K̥hatt ke likhne ke ek
sál baḍ wuh ek zalzale se ulaṭ gayá.

S. 195. Púlús ne yih K̥hatt kab likhá ?

J. San básaṭh Íswí men jab ki shahr i Rúm
men muqaiyad thá, aur qaríb qaríb usí waqt
ke jab ki us ne Afasíon ká K̥hatt likhá. (Dekho
1 : 24 ; 4 : 18.)

S. 196. Jab Afasíon ne Púlús ke qaid ho
jáne kī k̥habar suní to unhon ne kyá kiyá ?

J. Un logon ne Epaphras apne k̥hádim i dín
ko us pás bhejá, táki use tasallí de, aur kalísyá
kī hálát kī us se ittilā kare, aur ki un galat
ṭalímon kī nisbat jis kī manádí un ke darmi-
yán ho rahí thí us se mashwara kare.

S. 197. Shahr i Rúm men Epaphras par kyá wáqī húa ?

J. Wuh apne wahán pahunchne ke thore hí din bad muqaiyad ho gayá,—Fileman 14.)

S. 198. Yih Kḥatt kis Kḥatt se mushábahat rakhtá hai ?

J. Us Kḥatt se jo Afasioṇ ko likhá gayá, in donon ko ek sáth parhná cháhiye, is liye ki wuh báham ek dúsre kí sharh karte haiṇ ; logon ne ek Kḥatt ko dúsre Kḥatt kí tafsír qarár diyá hai.

S. 199. Is Kḥatt kí ámm manshá kyá hai ?

J. Is Kḥatt men talím aur istimál donon sifaten páí játí haiṇ ; is men Púlús kí us shukr-guzárí ká bayán hai, jo un kí istiqámat ke bájs se sádir húi, aur un kí nisbat us ke ishtiyáq ká us men tazkira hai ; wuh unhen galatíon, aur insání tasauwarát o hadíson aur farmáishon se kḥabardár kartá hai ; aur ímán ke tásírát ká mazkúr kartá hai.

S. 200. Yih Kḥatt kis ke háth se bhejá gayá thá ?

J. Tikhikus aur Onesímus, us gulám ke háth jo apne áqá Filemon ke pás Kalasse ko lautá játá thá. Yihí log Afasióñ aur Filemán ke Khatt ko bhí un ke pás le gae the.

S. 201. Kyá Púlús kabhí Kalasse men gayá thá ?

J. Wuh Phrygiá men to dobára gayá thá, lekin yih sahíh ma'lúm nahín ki wuh Kalasse gayá yá na gayá. (Aamál 16 : 8 ; 18 : 21.) Dústre báb kí pahlí áyát se yih gumán hotá hai, ki wuh wahán kabhí nahín gayá.

S. 202. Púlús ne kin kin maqámát ká Kalasse ke nazdík honá bayán kiyá hai ?

J. Láodikiyá aur Hierapolis. Us ne Kalasióñ se yih darḡhwást kí, ki apná Khatt Láodikiyá kí kalísyáwálon ko parhne den.

S. 203. Kyá us ne Láodikiyá kí kalísyá ko Khatt likhá thá ?

J. Dekho báb 4 : 16. Aksaron ká yih gumán hai, ki jis Khatt ká zikr is maqám par húa hai, wuhí Khatt hai jo Afasióñ ko likhá gayá thá.

S. 204. Nae Ahd-náme kí terahwín kitáb ká kyá nám hai ?

J. Púlús ká pahlá Khatt Thassalúníkíon ko.

S. 205. Thassalúníká kahán hai ?

J. Wuh Maqadúniyá ke chár zillāon men se ek ká dár-us-saltanat thá. Yih shahr tijá-ratgáh hai, aur us men bahut umda bandar hai.

S. 206. Is shahr ká wírána ab tak kuchh báqí hai ?

J. Us kí díwár anqaríb samúchí kharí hai, aur páñch yá chha míl ke dáire men hai.

S. 207. Kyá is maqám par Injíl kí manádí se is bát kí ummed thí, ki wuh bahut dúr tak phail jáegí ?

J. Yih shahr aisá mashhúr thá, aur Yúnán ke aur hisson se us ko is qadr sarokár thá, ki us kí tásír bahut dúr tak thí.—(Dekho báb 1 : 8.)

S. 208. Thassalúníká ke báshinde kaise the ?

J. Us men Yúnání, Rúmí aur Yahúdí rah-te the.

S. 209. Is maqám par Injíl kí manádí kis ne pahle kí ?

J. Púlús aur Sílás ne, baḍ us ke ki un log-on ne Filippí ke qaidḡháne se ḡhalásí páí. (Aḡmál 17 : 1—10.)

S. 210. Kalísyá meḡ kis kis qism ke log the ?

J. Aksar log to butparaston meḡ se ímán láe the, lekin us meḡ Yahúdí aur Yahúdí muríd bhí the, aur in meḡ bahut sí zí qadr aurat-eḡ bhí thín.—(Aḡmál 17 : 4.)

S. 211. Is ḡhatt ke likhe jáne kí kyá wajh thí ?

J. Púlús ko beímán Yahúdión ke zulm ke báis se jabran Thassalúníká se bháḡkar Berea ko jáná pará ; aur us ne kalísyá ko aisí hálát meḡ chhoṛá thá, ki wuh us kí nisbat bahut mutafakkir húa, chunáñchi us ne un ko tasallí dene ke liye Tímtáús ko un ke pás bhejá. (3 : 1, 2.) Tímtáús ne lautkar Púlús ko un ke hál kí aisí ḡhabar sunái, (3 : 6—9,) ki Púlús ne is liye ki un kí muláqat na kar saktá thá un ke pás yih ḡhatt likh bhejá. (2: 17, 18.)

S. 212. Yih ḡhatt kab aur kahán likhá gayá ?

J. Karint men san báwan Íswí men. Yih Púlús ke Khatton men pahlá Khatt thá.

S. 213. Púlús ne Thassalúníkíon ká kis taur par tazkira kiyá hai?

J. Banisbat aur kalísyáon ke jin ko us ne Khatt likhe, is kalísyá kí ziyádatar taríf húi hai.

S. 214. Is Khatt kí ámm manshá kyá hai?

J. Pahle tín bábon men us kí istiqámat ke báis se hawárí kí khushí ká tazkira húa hai; baqí do bábon men un ke istimál ke liye nasíhaten hain; chauthe báb men qiyámat ká mufíd bayán miltá hai; aur páncḥwen báb men Masíhíon kí guzrán ke liye mukhtasar men qáide mundarj hain.

S. 215. Nae Ahd-náme kí chaudahwín kitáb ká kyá nám hai?

J. Púlús ká dúsrá Khatt Thassalúníkíon ko.

S. 216. Yih Khatt kab aur kahán likhá gayá?

J. Karint men san tirpan Íswí ke shurú shurú men.

S. 217. Us kí kyá garz thí?

J. Yih, ki is galat k̄hiyál ko durust kare jo Thassalúníká kí kalísyá men phail rahá thá, ki Masíh kí ámad aur dunyá kí intihá ke din qaríb hain, (2 : 1—12,) aur ki bāz bāz be-adab shakhsō ko tādīb de. (1; 2 : 13—17; 13.)

S. 218. Us ne sab chizon ke ákhir hone ke peshtar kis bát ke wāqī hone kí khabar dí hai?

J. Ek zabardast inhiráf ki; hawarí ke is bayán men aur Dániel nabí kí peshkhabarí men jo chha sau baras áge dí gaí, ajīb tarah kí muwáfaqat hai.

S. 219. Nae Ahd-náme kí pandrahwīn kitáb ká kyá nám hai?

J. Púlús ká pahlá K̄hatt Timtáús ko.

S. 220. Timtáús ke donon K̄hatt aur Títus ke K̄hatt ko kyá nám dete hain?

J. K̄hutút i Pásbání, is báis se ki un men k̄hádīmán i dín kí jawábdihí, yāne un faráiz ká mazkúr hai, jo kalísyá kí nigahbání kí nisbat men un par áid hote the.

S. 221. Timtáús kaun thá?

J. Wuh Lycaonia zillah ke Derbe náme

bastí ká yá to mutawattin thá, yá wahín sukú-nat pizír thá. (Aṁmál 20: 4.) Us ká báp Yúnání thá, aur us kí má, Yúnice, Yahúdin thí. (Aṁmál 16: 1.) Us ne apne bachpan hí se mazhabí ṭalím páí thí. (2 Tim. 1: 5; 3: 15.) Us kí khúbí aisí musnad thí, ki us ke bájs se Púlús ko ragbat húi ki use apná hamráhí rafíq banáye. (Aṁmál 16: 2, 3; 1 Tim 4: 12.) Wuh apní jawání hí meṇ muríd huá, aur aglab hai ki us waqt jab Púlús pahlí mar-taba Lystra ko gayá. (Aṁmál 14: 6; 1 Tim. 1: 2; Fil. 2: 20).

S. 222. Púlús us se kahán tak multafit thá?

J. Wuh us se aṁjib mahabbat rakhtá thá, aur us ne chha Khatton meṇ us ká mazkúr ki-yá hai. Wuh use “farzand Tímtáús,” (1 Tim. 1: 18,) “ímán meṇ apná farzand,” apná “aṁzíz farzand,” (1 Kar. 4: 17,) aur apná “hamkḥidmat,” (Rúm. 16: 21,) kahtá hai.

S. 223. Tímtáús kí tawáríkh ká hál aur kyá maḥlúm hai?

J. Jab Púlús Makadúniya ko gayá, to wuh Tímtáús ko Afasus kí kalísyá ká nigahbán

muqarrar kar gayá, (1 Tim. 1 : 3,) aur gumán karte haiñ ki jab Púlús दूसरी बार Róm में qaid ho gayá tab bhí wuh wuhín thá. (1 Tim. 3 : 14.) Riwayat karte haiñ ki Timtáús Afasus kí kalísyá kí nigahbání में qáim rahá tá waqte ki wuh shahíd na huá.

S. 224 Yih Khatt kab likhá gayá?

J. Is ka hál sahíh malúm nahín hai. Wuh Afasus में Timtáús ke nám par likhá gayá jis waqt ki Púlús yá to Maqadúniya में thá, yá wahán játá thá. (1 : 3.) Mutabar sanadon kí rú se malúm hotá hai, ki yih Khatt san chaunsaṭh Iswí ke qaríb qaríb likhá gayá.

S. 225. Is Khatt kí manshá kyá hai ?

J. Us kí garz yih thí, ki Yahúdiyat ke tálím karnewálon kí ligo tálím ko bátíl kare, aur ki Timtáús ko us ke uḥde kí jawábdihí kí nisbat tálím aur targíb de. Is में Masíhí auraton o uḥdadárán i kalísyá kí munásib chál aur taqsírwáron kí tambíh, bewáon ke sáth aur buzurgon ke sáth, gulámon aur daulatmand logon ke sáth sulúk karne kí nisbat tálímát mundaṛj haiñ. (Dekho 1 : 3, 4; 3 : 15 ; 6 : 20—21.)

S. 226. Nae Ahd-náme kí solahwīn kitáb ká kyá nám hai ?

J. Púlús ká dúsrá Kḥatt Timtáús ko.

S. 227. Yih Kḥatt kab likhá gayá ?

J. San painsath Īswí ke qarīb jis waqt kí Púlús dúsrí bár Rúm men qaid ho gayá thá.

S. 228. Wuh kaun sí bát hai jis ke bájs se yih kitáb kháss taur par qábil i liház hotí hai ?

J. Yih pichhlá Kḥatt hai jo Púlús ne apní shahádat se thore hí peshtar likhá thá, aur is men us saláh ki báten miltí hain, jo Púlús ne marte waqt Kḥudáwand men apne farzand ko kahí thín.

S. 229. Is Kḥatt ke likhe jáne kí kyá wajh thí ?

J. Púlús, Timtáús aur Markas ko dekhne ká ishtiyáq rakhtá thá (4 : 9) táki wuh us kí musibat men use tasallí den. (4 : 11.) Aur doston ne use chhor diyá thá. (4 : 10—12.)

S. 230. Is Kḥatt kí manshá kyá hai ?

J. Is men Timtáús ko us ke kám kí nisbat barí sargarmí ke sáth nasíhaten, aur bedárián o tasallían dí gai hain.

S. 231. Nae Ahd-náme kí sattrahwín kí-táb ká kyá nám hai?

J. Púlús ká Khatt Títus ko.

S. 232. Títus kaun thá?

J. Wuh Yúnání thá, (Gal. 2: 3,) aur Púlús kí manádí se ímán láyá thá. (Gal. 1: 4.) Wuh Púlús aur Barnabás ke sáth Aurshalím ko gayá, (Gal. 2: 1,) aur Púlús ke aur safaron men aksar us ke hamráh jáyá kartá thá.— (2 Karint. 2: 1, 2, 13; 7: 5, 7; 8: 16—24; 12: 17—21.) Is ke siwá us ká aur kuchh hál ma'lúm nahín hai. Us ká tazkira Aamál kí kitáb men nahín húa hai. Riwáyat karte hain, ki us ne chauránwe baras kí umr men jazíra i Crete men wafát páí.

S. 233. Púlús ne Títus ke khatne ke báb men kyún itiráz kiyá?

J. Dekho Gal. 2: 3—5.

S. 234. Jis waqt ki yih Khatt Títus ko likhá gayá wuh kahán thá?

J. Jazíra i Crete men, jahán wuh kalísyá ke qáim karne aur us kí khabargírí ke wáste chhorá gayá thá.

S. 235. Yih Kḥatt kab likhá gayá?

J. Is ká hál sahíh maḷúm nahín hai; bāze kahte haiṇ, ki san sattāwan Ṽswí meṇ, aur bāze san chaunsaṭh Ṽswí meṇ.

S. 236. Injíl ke Crete meṇ járí hone ká hál kyá maḷúm hai?

J. Pantikost ke din is jazíre ke bahut se Yahúdión ne Patras kí wāz suní, (Aṁál 2 : 11,) aur aglab hai ki unhín logon ne wahán kí khabar sunáí.

S. 237. Crete ke jazíre ká nám filhál kyá hai?

J. Candia; is jazíre kí ábádí do lākḥ pachás hazár hai, yih jazíra bahut zarkhez hai aur áb o hawá bahut kḥush gawár.

S. 238. Jis waqt yih Kḥatt likhá gayá, us zamáne meṇ is jazíre ke báshindon kí kyá hálát thí?

J. Wuh chanchal, aur makkár o jhagrálú aur badkár o maiḳhor the.

S. 239. Is Kḥatt kí kyá sifat hai?

J. Wuh Timtáús ke pahle Kḥatt se bahut hí munásibat rakhtí hai, aur aksar gumán

karte haiṅ ki yih donoṅ ek hī sāth likhe gae the.

S. 240. Is Kḥatt kī manshá kyá hai?

J. Hawárí kḥádimán i dín kī sifát ká bayán kartá hai, aur us talím ká tazkira kartá hai jo búṛhoṅ aur jawánoṅ ko dená wájib thá, aur Títus ko nasíhat hai, táki wuh jawán hone ke báis se sárí kḥúbí ká namúna ho. Wuh Títus ko uksátá hai, ki hákimoṅ kī nisbat logoṅ se farmánbardárí talab kare, aur ki un par pákí-zagí ke farz ko qáim kare.

S. 241. Nae Ahd-náme kī aṭhárahwíṅ kítáb ká kyá nám hai?

J. Púlús ká Kḥatt Filemán ko.

S. 242. Filemán kaun thá?

J. Wuh Púlús ke un murídoṅ meṅ se thá, jo Kalasse meṅ rahte the. (bamuqábila 2, 10, 19, aur Kal. 4: 9, 17.) Bazoṅ ká yih gumán hai ki wuh us kalísyá ká ek uḥdadár thá, aur us kī bíbí ká nám Apphiá thá. Is ke siwá us ká hál aur kuchḥ maḷúm nahín hai.

S. 243. Filemán ke shámil-hál Arkḥippus ko jo yih Kḥatt likhá gayá, wuh kaun shaḡhs thá?

J. Gumán karte hain ki wuh Kalasse kī kalísyá ká pásbán thá. (Kal. 4 : 17.)

S. 244. Yih Kḥatt kab aur kis maqám par likhá gayá ?

J. Yih Kḥatt Kalassíon ke Kḥatt ke sáth hī likhá gayá, aur donon ek hī sáth rawána kiye gae. (Dekho Kal. 4 : 8—14,) aur is Kḥatt kī pahlí, teís, aur chaubís áyaten. Is Kḥatt ko san básath Íswí men Púlús ne Rúm ke qaid-kḥáne men se likhá, aur use Onesimus ke háth se bhejá.

S. 245. Onesimus kaun thá ?

J. Wuh ek gulám thá jo apne áqá Filemán ke pás se Rúm ko bhág gayá, aur wahín Púlús ke wasíle se muríd huá. Wuh apne áqá ke liye fáidamand na thá (áyat 11,) aur aglab hai ki us ne us kī chorí kī thí, (áyat 18.)

S. 246. Is Kḥatt kī kyá garz thí ?

J. Yih Kḥatt is manshá se likhá gayá, ki log Onesimus ko mihrbání ke sáth aur Masíhí ke taur par qabúl karen.

S. 247. Kyá is Kḥatt se yih bát sábit hai,

ki Púlús Onesimus kí marzí ke k̥hiláf us ke laut jāne par bajidd húa?

J. Nahín; is bát kí mutlaq gawáhi nahín miltí; par kuchh aḡab nahín ki us ne áphí ap-ne laut jāne kí k̥hwáhish zāhir kí ho.

S. 248 Yih K̥hatt kis bát kí nisbat garān-qadr hai?

J. Wuh aḡhlāq i Masíhí ká namúna hai, aur Masíhion ke faráiz kí nisbat us se bahut sí dastgáhi hásil hotí hai. Us kí farotaní aur ulfat i birádarána ke kalmát barí k̥hubsúrtí ke sáth darj húe hai.

S. 249. Púlús ne qaid-k̥háne meṇ kyá kyá kám kiyá?

J. Jo log kí qaid-k̥háne meṇ us ke pás áe, un ko wāz karne ke siwá us ne Afasion, aur Filippion, aur Kalassion aur Filemán ko K̥hatt aur Timtáús ká dúsrá K̥hatt bhí likhá.

S. 250. Nae Ahd-náme kí unníswín kitáb ká kyá nám hai?

J. Ibránion ká K̥hatt.

S. 251. Is K̥hatt ká ráqim kaun thá?

J. Is kí nisbat logon meṇ bará iḡhtiláf hai.

Bahutere use Púlús se nisbat dete haiñ, aur bahut se álí sanad nuktaḍáñ is bát ko ñtimád ke sáth radd karte haiñ, par us ke ráqim ká tasfíya nahíñ kar sakte.

S. 252. Kyá us ke musannif ká hál jánná amr i zarúrí hai?

J. Agar yih bát zarúrí hotí, to Rúh-ul-Quds beshakk us ke ráqim ko yih targíb detí, ki jaisá aur Kḥatton men húá hai, waisáhi wuh apná nám is men bhí darj kar detá.

S. 253. Jin logon ká yih gumán hai ki Púlús ne is Kḥatt ko likhá wuh us ke nám ke darj na hone kí kyá wajh batláte haiñ?

J. Wuh us kí wajh yih bayán karte haiñ, ki is báis se, ki Púlús Gair-qaumon ke liye hawá-rí thá, Yahúdí us se badzan the, is wajh se is Kḥatt ko benám rakhne men logon kí nigáh men us kí ziyáda qadr hotí banisbat banám hone ke.

S. 254. Kin dalílon se yih bát sábit ho saktí hai, ki Púlús is Kḥatt ká ráqim thá?

J. Mashríqí aur Sikandariyá kí kalísyáon ke buzurg jo dúsrí aur tísrí saddí men maujúd

the, likhte haiñ ki “Qudama” ne hamen is Kḥatt ko yih kah kar sompá, ki yih Púlús ká likhá húa hai, aur un men se aksar log is gawáhí ko qataí samajhte the. Jin logon ká kḥiyál is bát par qawí hai, wuh yih bhí kahte haiñ, ki aise Kḥatt ke likhne ke qábil Púlús is kḥáss wajh se thá, ki Yahúdíon ke nizám se wuh baḥhúbí ágáh thá.

S. 255. Jin logon ká kḥiyál is ráe se muḥtalíf hai, wuh apne ráe kí pushtí men kaun sí dalíl pesh karte haiñ?

J. Wuh yih kahte haiñ, ki is ká tarz Púlús ke tarz kí mánind nahín hai, par aksar maqá-mát men us ke tarz se iḥtiláf partá hai. Jo log ki Yúnání ká baḥhúbí ilm rakhte haiñ, we kahte haiñ, ki is Kḥatt kí Yúnání Púlús kí Yúnání se mushábih nahín hai.

S. 256. Yih Kḥatt kis ke nám par likhá gayá?

J. Ibrání Masíhíon ke.

S. 257. Yih Kḥatt kab likhá gayá?

J. San tirsath Íswí ke qaríb qaríb.

S. 258. Is Kḥatt kí kyá garz thí?

J. Is kī garz yih thī, ki Yahūdīon ke imān ko Masīh kī ulūhīyat, aur us ke kafāre aur shafāat kī qadr kī nisbat istiqlāl bakhshe ; tā-ki Yahūdīon ke nizām ke manī bayān kare, aur us nizām par nizām i Masīhī kī fauqīyat ko sābit karke Yahūdī murīdon ko tasallī de, aur un ko imān men tamīr kare.

S. 259. Is Kḥatt men kaun sī khāss khūbī hai ?

J. Siwā us kī umda talīmāt aur tasallīon ke, is Kḥatt se nizām i Mūsawī kā matlab barī safāī ke sāth darakhshān hotā hai.

S. 260 Nae Ahd-nāme kī bīswīn kitāb kā kyā nām hai ?

J. Yaqūb kā Kḥatt i Āmm.

S. 261. Is Kḥatt kā rāqim kaun sī Yaqūb thā?

J. Is nām ke do hawārī the ; ek Yaqūb jo Zabadī kā beṭā aur Yuhannā kā bhāī thā, aur dūsrā Yaqūb i khurd, (Markas 15 : 40,) jo Halfā yā Kleopās kā beṭā, aur hamāre Khudāwand Masīh kā bhāī bhī kahlātā thā. (Gal. 1 : 19 ; Yuh. 19 : 25.) Is Kḥatt kā rāqim Yaqūb i khurd thā.

S. 262. Yaqúb kahán rahtá thá ?

J. Aurshalím men. Wuh tís baras tak Aurshalím kí aur qurb o jawár kí kalísyáon ká muhtamim thá.

S. 263. Us kí kyá sifat thí?

J. Wuh logon kí nigáh men bará mumtáz thá, balki beímán log bhí use *Yaqúb i ádil* ká khitáb dete the.

S. 264. Us kí maut kínisbat kyá riwáyat hai?

J. Ki Yahúdion ne use haikal ke kangúre se níche dál diyá, aur use dhobí ke sonṭe se már dálá, jis waqt ki wuh apne qátilon ke liye ghutne ṭeke húe dúá máng rahá thá. Yih máj-rá san básaṭh Íswí men wáqí huá.

S. 265. Yih Kḥatt “Ámm” kyún kahlátá hai ?

J. Is liye ki wuh kisí kḥáss kalísyá ko nahín likhá gayá thá, lekin un bárah firqon ko jo paráganda ho rahe the.

S. 266. Is Kḥatt se kyá garz thí?

J. Yih ki Yahúdí muríd jo sadáqat i ímání kí talím kí nisbat galatí men paṛ rahe the, us galat-fahmí ko tark karen.

S. 267. Injíl kí ibtidáan taraqqí ke zamáne men, is talím kí nisbat kaun sí galatí ká muqábila Púlús rusúl ko karná pará?

J. Logon ke is mailán ká, ki we apne nek kámon ko tasdíq kí bunyád samajhte the.

S. 268. Yaqúb ne kis galatí ke zidd men likhá?

J. Us talím ke jo Púlús kí koshish o talím ke baráks thí, yane ki ek nira aqlí ímán bagair amal ke, jise amal se kuchh iláqa nahín tasdíq kí bunyád hai. Púlús kí yih talím thí, ki amal apní zát men is sabab se ki nákámil hai, mutlaq tasdíq kí bunyád ho nahín saktá; aur Yaqúb kí talím yih hai, ki harchand ímán hí tasdíq kí wajh hai, táham Aamal ímán i haqíqí kí kasautí aur sanad i lábudí hai,—ki amal hí se ímán i haqíqí kí sadáqat áshkára hotí hai.

S. 269. Kyá Púlús aur Yaqúb kí talímát men tasdíq ke muqaddame men kisé tarah ká ikhtiláf hai?

J. Nahín; balki kámil ittifáq hai, Púlús kí garz yih thí ki sábit kare kí ádmí ko apne úpar bharosá rakhná na cháhiye, aur Yaqúb

ká yih maqsad thá, kí sábit kare, kí ádmí ko be-lagám hokar náfarmání kí tabíat paidá na karná cháhiye is liye kí is se ádmí ke dil men is bát ki ragbat paidá ho saktí hai, kí wuh gunáh men qáim rahe, táki fazl ziyáda hotá jáe. Yih donon Khatt báhamdígar ek dúsre ká takmilá hain, aur in donon ko ek sáth parhná cháhiye.

S. 270. Yih Khatt kab likhá gayá?

J. Qaríb san eksaṭh Íswí ke, Rúmíon ke Khatt ke likhe jáne ke bád, aur Yaqúb kí shahádat ke ek baras qabl.

S. 271. Nae Ahd-náme kí ekkíswín kitáb ká kyá nám hai?

J. Patras ká pahlá Khatt i Ámm.

S. 272. Patras kaun thá?

J. Us ká nám auwal men Shamaún yá Simon thá; wuh Baitsaida ká rahnewálá, Yúnas ká beṭá, (Matí 16 : 17,) aur peshe ká machhúá thá. Jab ki Injíl men us ká pahlí bár tazkira húa us waqt wuh byáhá já chuká thá, aur Kafarnahúm men rahtá thá. (Markas 1 : 29, 30.) Us ká bhái Andriyás use Ísá pás

láyá aur we donon Masíh kí pairawí karne ke liye talab kiye gae. (Matí 4 : 18—20).

S. 273. Injíl men us ke aur kyá kyá nám milte hain ?

J. Kefás, jis ke maní Patras se mushábih hain. Kefás Súriyání lafz hai, aur Patras Yúnání, aur donon ke maní chaṭán ke hain.

S. 274. Patras men kyá kyá mashhúr sifat-en thín ?

J. Wuh ímán aur muhabbat aur apní koshishon men bará sargarm thá ; aur kisí qadr jaldbáz aur talauwan tabá bhí thá, go apní akhír umr men wuh ziyádatar mustaqil mizáj aur qáim ho gayá ; wuh hamesha dilerí aur házir juwábí záhir kartá thá, aur us ke juwáb qataí hote the.

S. 275. Us ko kyá kyá kháss izzaten milín ?

J. Wuh Masíh ke hamráh thá, jab us ne Jairus kí betí ko jiláyá, aur jab us ká chihra mubaddal huá, wuh bág i Gatsamaní men bhí Masíh ke sáth thá ; wuhí pahle muqarrar kiyá gayá thá ki Pantikost ke din Yahúdion

aur Gair-qaumon ke liye Injíl kî bádsháhat ká darwáza khole chunánci Kurnelius aur us ká gharáná pahle awámm men se Masíh par ímán láyá.

S. 276. Kyá us ko aur rasúlon par ziyádatar fauqíyat dí gaí thí?

J. Yih bát páya i subút ko nahín pahunch saktí, balki is ke baráks dalílen maujúd hain. (Dekho Matí 23 : 8 ; Gal. 2 : 11.)

S. 277. Patras kî aḡhír zindagí ká hál kahán tak maḡlúm hai?

J. Us ká sahíh hál mutlaḡ maḡlúm nahín ; par aksar gumán karte hain, ki Antákiyá se rukhsat hone ke píchhe, (Gal 2 : 11) wuh chand barason tak Aurshalím men rahá, aur bád az án us ne un Yahúdíon ko Injíl kî bashárat dí jo Pantus, Galátiá, Bithiniyá, Kappadokiyá aur Eshiá ke us hisse men rahte the jo Rúmíon ke mátaht thá. Bazon ká yih gumán hai, ki wuh bád us ke Rúm ko gayá, aur Masíh kî peshḡhabarí kî takmíl men wahán maslúb húa, (Yúh. 21 : 18, 19;) lekin aksaron ká gumán hai, ki yih ḡhiyál nádurust hai, go we

is bát ko taslím kar lete haiñ, ki us ne Nero bádsháh ke ahd i saltanat meñ barí shadíd maut se wafát páí; yih májará san chaunsath yá painsath Íswí meñ wáqí húá.

S. 278. Patras kí maut ke taur kí nisbat kyá riwáyat hai?

J. Yih ki wuh ultá maslúb húá, is wajh se ki us ne apne áqá i Iláhí kí taslíb ke taur par marne ko apne taín láiq na samjhá.

S. 279. Yih Khatt kab aur kahán likhá gayá?

J. Aglab hai, ki wuh san tirsath Íswí ke qaríb qaríb Bábul shahr meñ likhá gayá. (5 :13).

S. 280. Is Khatt kí kyá sifat hai?

J. Us ke kھیálát bahut amíq aur pur ma-ní haiñ. Yih Khatt istimálí hai lekin us meñ bahut talím bhí marqúm hai. Kahte haiñ, ki is Khatt meñ ímán, farmánbardárí aur sabr ká khass tazkira húá hai; táki ímán meñ qiyám, aur kám meñ hidáyat, o musíbat meñ tasallí hásil ho.

S. 281. Nae Ahd-náme kí báíswín kitáb ká kyá nám hai?

J. Patras ká दूसरा Khat i Amm.

S. 282. Yih Khat kab likhá gayá?

J. Pahle Khat ke ek baras bad, san chaun-sath Iswi men, aur Patras kí shahádat se kuchh áge.

S. 283. Is Khat kí kyá garz thí?

J. Is men nasíhaten hain, táki imándáron ko sachcháí men qáim kare aur bidátiyon aur jhúthe muallimon se un ko khabardár kare, aur táki har galatí se bachne ke liye unhen Masíhí khúbíyon kí tahsíl kí targíb de.

S. 284. Us kí pichhlí nasíhat kyá thí?

J. Yih kí “Hamáre KHUDÁwand aur bachá-newále Isá Masíh ke fazl aur pahchán men baháre jáo;” aur us kí ákhír gawáhí jo Masíh kí ulúhiyat kí nisbat thí, wuh yih hai, “Usí ká jalál ab hai, aur abad tak hogá.”—Amin.

2 Patras 3 : 18.

S. 285. Nae Ahd-náme kí teíswín kitáb ká kyá nám hai?

J. Yúhanná ká pahlá Khat i Amm.

S. 286. Kyá is Khat ke muallif ká nám is kitáb men darj hai?

J. Nahín ; táham Yúhanná kí Injíl ke mazmún aur tarz men, aur is Khatt men aisi ajib mutábaqat hai, aur qadím zamáne ke Masíhion kí gawáhi bhí aisi sáf hai, ki Yúhanná Rasúl ke us ke muallif hone men kisi tarah ká shakk báqí nahín rah játá.

S. 287. Is Khatt kí kyá ġarz thí ?

J. Táki un galatíon ko durust kare jo Masíh kí uqnúmiyat aur us ke uhdon kí nisbat jári ho rahe the.

S. 288. Yih Khatt kab likhá gayá ?

J. Qaríb san arsaṭh yá sattu Íswí ke.

S. 289. Nae Ahd-náme kí chaubíswín kitáb ká kyá nám hai ?

J. Yúhanná ká dúsrá Khatt.

S. 290. Yih Khatt kis ke nám par likhá gayá ?

J. Barguzída bíbí aur us ke farzandon ko, táki un ko sachcháí men taqwíyat hásil ho, aur we dagábázon se bedár kie jáen.

S. 291. Kyá yih bát malúm hai, ki yih barguzída bíbí kaun thí ?

J. Nahín ; baze gumán karte hain, ki yih

Aurshalím kī kalísyá ká laqab thá; par log bil-ittifáq is bát par qawí nahín haiñ. Par is kī nisbat ámm khiyál yih hai, ki wuh ek aurat thí jo apní dindárí ke báis se mashhúr thí.

S. 292. Is Khatt men aur is ke pahle Khatt men kisi tarah kī mushábahat hai?

J. In donon men aisá nazdíkí tanásub hai, ki donon kī nisbat gumán karte haiñ ki ek hí sáth likhe gae.

S. 293. Nae Ahd-náme kī pachíswíñ kitáb ká kyá nám hai?

J. Yúhanná ká tísrá Khatt.

S. 294. Yih Khatt kis ke nám par likhá gayá?

J. Gaius ke nám par; aglab hai, ki yih wuhí shakhs thá jis ká zikr Róm. 16 : 23, aur I' Kar. 1 : 14 men húa hai, par yih bát yaqíní nahín hai. Gaius apní dindárí aur Masíhí musáfir-parwarí ke liye mashhúr thá.

S. 295. Yih Khatt kab likhá gayá?

J. San sattar Íswí ke qaríb qaríb.

S. 296. Is Khatt kī manshá kyá hai?

J. Hawárí Gaius kī chál o chalan par apní

ḵhushí ko zāhir kartá hai, aur use Diotrephes se jo ki ek hausilawar aur fasádí shaḵhs thá ḵhabardár kartá, aur Demetrius kí taríf kartá hai, táki wuh us kí tazím kare, aur aur báton ká likhná mauqúf rakhtá hai, tá waqte ki báham muláqát na ho le.

S. 297. Nae Ahd-náme kí chhabbísuṁ kítáb ká kyá nám hai?

J. Yahúdá ká Ḵhatt i Aḡmm.

S. 298. Yahúdá kaun thá?

J. Wuh bárah hawáríon men se ek aur yá to Masíh ká bhái, yá us ká nazdíki qarábat-dár thá. Wuh Labbí aur Thaddí bhí kahlátá thá (Matí 10 : 3; Lúká* 6 : 15; Yúh. 14 : 22; Matí, 13 : 55, aur Aḡmál 1 : 13).

S. 299. Yih Ḵhatt kab likhá gayá?

J. San chaunsath aur pachhattar Íswí ke darmiyán men.

S. 300. Is Ḵhatt kí kyá manshá thí?

J. Yih ki Masíhíon ko jhúṭhe muḷlímön se bedár kare, jo is bát kí koshish men the, ki logon ko sharaḡ ke ḵhiláf shahwat-parastí men mubtilá karen, aur yih kahte the, ki Ḵhudá

lazzát i nafsání kí pairawí ke liye sazána degá.

S. 301. Yahúdá kis tarah un ko un ke khatre se ágáh kartá hai?

J. Un Isráelion kí taraf rujú karne se jo bayábán men halák hue, un firishton kí nazir se jo halák hue, aur maidán ke shahron kí halákat kí wujúhát se.

S. 302. Nae Ahd-náme kí sattáíswín kitáb ká kyá nám hai?

J. Yúhanná ká Mukáshifa, yane Musháhidát kí kitáb.

S. 303. Yih kitáb kahán likhí gai?

J. Jazíra i Patmus men, jo bahíra i Rúm ke magribí hisse men jise bahíra i Aegean kahte hain wáqí hai. Sháhansháh i Domishian ne san tiránwe yá chauránwe Íswí men Yúhanná Rasúl ko is jazíre men zila-kharíj kar diyá thá.

S. 304. Yih kitáb kab likhí gai?

J. Qaríb san chhiánwe Íswí ke.

S. 305. Is kitáb kí ámm sifat kyá hai?

J. Us kí kbushbayání aur sanjídagi be-

misál hai. ^{*} Is kitáb kí peshkhabaríáñ Hizqíel aur Dániel nabí kí peshkhabaríon ke tarz aur matlab se bahut mushábih haiñ. Log use Dániel nabí kí kitáb ká titimma samajhte haiñ.

S. 306. Is kitáb ke matálib ke kai ámmñ hisse ho sakte haiñ ?

J. Do hisse : pahle hisse men pahle tñn báb mushtamal haiñ, aur wuh un báton se jo haiñ, yá ho chukí haiñ iláqa rakhtí haiñ. Is men dibája, aur hawárí ká Masíh ko rúyat men dekhná, aur Eshíá kí sát kalísyáon ke khetút mushtamal haiñ. Dústre hisse, yane báqí bábon men áyanda zamáne ká hál marqúm hai ; yane yih is kitáb ká nabawí hissa hai.

S. 307. Peshkhabarí ká kis tarah par bayán huá hai ?

J. Shabíh yá álamaton men, jis kí sharh men barí hoshyárí darkár hai.

S. 308. Is kitáb ke dústre yane nabawí hisse ko kis tarah par taqsím kar sakte haiñ ?

J. Páñch hisson men. Pahle hisse men, chár báb haiñ, aur yih rúyat i tamhídí hai. dústre hisse men 5 báb se 11 : 1—18 áyaten

mushtamal hai, aur us men kalísyá kí us nisbat ká bayán hai jo wuh dunyá se rakhtí hai, yá yih, ki tawáríkh i muqaddas aur dunyawí tawáríkhon men kyá munásibat hai. Tísrá hissa 11 : 19 áyat se lekar 20 báb tak hai, aur us men Masíh ke mukhálif kí afzáish o zawál aur Masíh kí bádsháhat kí fathyábí, aur aḵhír adálat ke din ká bayán húá hai. Chauthá hissa 21, 22 : 1—5 tak hai, aur is men sádiqon kí aḵhír hálát ká tazkira húá hai. Páñchwen hisse men 22 : 6—21 áyaten hain, aur yih is Ḳhatt ká ḵátima hai.

S. 309. Is kitáb ke ḵátíme men kaun sí mufíd bát páí játí hai ?

J. Is men bihisht ká bahut umda aur ḵush-numá bayán miltá hai, aur bád az áñ Injíl kí muft guzárish ká barí ḵhúbsúrtí aur sargarmí ke sáth zikr húá hai.

S. 310. Is kitáb ko Kuṭub i Rabbání ke-sil-sile men aḵhír kitáb hone kí nisbat logon ká kyá gumán hai ?

J. Kahte hain, ki aisí wahí ke ḵátíme ke iye yih Ḳhatt ajíb taur par mauzún hai : wuh

firdaus jise ham ne Paidáish kí kitáb men kho diyá, wuh yahán Masíh-ke wasíle se phir hásil húa hai ; kalísyá kí áyanda hálat ká yane nizám i Masíhí ke mátaht ká barí safái ke sáth bayán húa hai ; Matí kí Injíl ke pahle báb men Masíh charní men pará húa nazar áyá, aur yahán wuh taḡht nashín ho chuká hai ; aur bamuqábila Maláki nabí ke jo lanat ke sáth apní kitáb ko ḡhatm kartá hai, yih kitáb barkat ke sáth ḡhatm hotí hai.

TAMÁM SHUD.